

LIMPO ZA MULIMU KAMITA

LIFUMANANGA LIBAKA ZA ZONA

 Ni itumezi, Muzwale Neville. [Muzwale Neville uli, “Mulimu aku fuyole, muzwale.”—Mu.] Mulena aku fuyole, muzwale.

Ki manzibwana, balikani. Kona ni sa kena fela, fa nako nyana yefitile, mi Ni hupuzi kuli Ni tahe ku to mi lakaleza “Kilisimasi Yatabo.”

² Mi kacwalo Ne ni sa zibi kuli Ne nikaba ni lithonolo lelinde le la kubulela ku mina fa Linzwi la Mulena. Mi kacwalo Muzwale Neville ani buza, mi Ni bile ni mañolo amañata nyana a Kilisimasi one Ni sweli kuitusisa, leliñwi la ona neli kwani—kwani kwa Phoenix ni kwa Tucson, libaka zeshutana kulo kwani, ki liñusa leli bunolo fela la Kilisimasi. Mi Ni hupuzi kuli, busihu bo, Ni ka bulela fela nto yenyinyani fa yeo Mulena abeile mwa munahano waka cwanoñu nyana fa nako yefitile, sina hane Ni li mwa Colorado.

³ Mi Ne ni sweli kunahana nto yeñwi ka za nako ya Kilisimasi, mi Ni nani tupampili totu ketalizoho kamba totu silezi totu ñozwi faa, Mañolo ni lika kaufela. Zeo . . . Ha ni . . . Ni sepa kuli Muzwale Neville ni bakutazi kaufela ba ezanga cwalo. Mina . . . kubonahala inge kuli kuna ni se si taha ku wena, mi kipeto wa si ñola. Mwa libelela fa nako nyana, mi kipeto mwa liñola. Na li ñolanga fa pampili, fa siemba fela sa pampili. Mi cwale ha Ni bizwa fa nako yeñwi, Ni ka talimela neku le ni kubulela kuli, “Neli sikamañi sene Ni sweli se?” Yani kona nzila, ha lu bizwa fela ka sipundumukela, mwa ziba.

⁴ Neibanga kuli, Na . . . hane Ni li mwanana, Ne ni ezanga . . . munahano waka neuli hahulu, Ne ni hupulanga fela se ona fa cwana, mi Ne ni sa libelelangi, Na sepa “Mazazi a mashumi kwa mulaho Ne nili kwa sibaka sesiñwi, fela cwalo. Leo kona liñolo. Ki le fa, mi ki leo la baliwa.”

⁵ Mwa ziba, haibile fela Ni fitelezi likalulo zelikani, Muzwale Higginbotham, ni kusila linuka nyana, zani halisa tahanga cwalo ni hanyinyani, litaha fahule nyana mwa nzila. Kono ki . . . sina Muzwale Neville habulezi, fa nako nyana yefitile, “Luya lu sutelela bukaufi, bukaufi ni kwa Hae.”

⁶ Ki hande kukutela kwa hae. Na, fa kukuta, kiñi, kuna ni mbundu yesabisa. Mi kuna ni . . . ni kuutwa ka za likozi ni lika zeñwi, ki zeñata hahulu fa mukwakwa, ni batu basweli kubulaiwa. Mi munahane fela kuli ki mianda yemikai ye ka latehelwa ki bupilo bwa bona cwale, mwahala busihu bo ni

kasumulaho wa makalo a Silimo Sesinca, ki ma American babakai baba ka shwa! Mi mwa ziba, babañwi ba luna hakulata halukoni kuba mo, busihu boo. Mi kuitingile fela ona fa cwale, ka . . . buino bwa luna fapila Mulimu. Ki naha ye nani maswabi, muzwale yo na bulezi kuli, ki maswabi kai ni kai. Mi ndembela ya luna isweli ya lepelela, mazazi a mashumi amalalu, ifukela fahali, kaufela bakenisa sibi ni sicaba babasike ba amuhela nzila ya Mulimu ya—ya—ya lika.

⁷ Ni ha lu sa lumelelani ni mutu, ni ha lu cwalo kono ka nzila ya sizwale, mi kipeto . . . Mwabona, haiba Kreste u mwa pilu, konakuli hakuna taba kamba ha ulumelelani cwani ni mutu, niteñi ube ni lilato ka yena ni likute. Na hani lumelelani ni baana babañata, linako zeñata. Kono niteñi, Hani si ka bona kale alimuñwi wa bona kono niteñi Ne ni sa lumelelani ni zona kwanda kuli “ni kambeke lizoho laka ku yena ni ku biza kuli ‘muzwale waka,’ kulika ku mutusa ka mo Ni konela kaufela.” Hani lumelelani ni yena kakuli Ni nahana kuli ka kusa lumelelana kuli yena . . . Sa lumela yena, na ha Ni koni kuzwelapili ku lumela sina yena, kono . . . ni zeñwi cwalo, kono cwale Ni kona kulika kubonisa nzila yaka ku yena hanza bonisa ya hae kuna, ni li iinga hamoho ni ku li tatulula ni kubona se lunani, kono ku sa lumelelana cwalo. Kuswana fela ni kutaha ku za . . . halu lukeli kunyema kamba kuholofaza, kamba kusinya kamba sika kaufela. Lu lukela nako kaufela kulika kuyahisana.

⁸ Luna ni moya o bata osweli kufuka kwanu, nji cwani? Neli sebente tu hane Ni zwa kwa Tucson, mi lizazi ha li yo likela ni kukala ku unsufala, ne isali sikisite naini. Kacwalo, mi ha ni kuta kwanu, Ni sweli fela kunjanja salami, mwa ziba. Na . . . Ona nzila ya silami sa mbundu yani, mi ki mwatasa ziro, ni litwa ni lika kaufela, Ne nina ni ku itwaeza zona hape. Ki nto yenca hahulu ka mo mukona “kuitwaeleza” mwa nzila ye—ye cwalo yani. Mi kuzwa ha Ni mi siya, Ne ni sikaba ni kolo ya ku ittisa. Na ba ni . . . inge misinga ya mwa katendele ya—ya buino bwa moya kwanu, mi ha Ni ya ni hula . . . Mi Ne ni pepezwi ni kuhulela kwanu. Kono cwale, mwa bona, hamuli banana, muna ni nto yeñwi, mwakona ku icanganisa zona; kono hamuya muhula, kiñi, mukala kufumana kuli kuna ni nto ye siyo mwateni. Ne kubanga kuli, ne mu ka itibala fela ka zona. Mina . . . kuna ni nto yeñwi mwahali mwani ye—ye sike ya tobohiwa sina mo ne ibelanga hane muli banana, kawalo Ni fumana kuli Ni . . . ona moya o futumala wani, ku muuna muhulu, una ni tuso nyana.

⁹ Na hupula hane nitaha kwanu kuzwa kwa Utica Pike kwahalimu kwani, kakuba mwanana (sebene, eiti, lishumi, twelufu, fotini lilimo za kupepwa), kusina makatulo kwa mautu (makatulo a kulahisa tenisi) mi neibanga eiti kaba lishumi mwatasa ziro, ni makatulo a kulahisa tenisi, minwana ya mautu yali kuzwela fande. Mi isiñi . . . cwale sani ha si swani ni kuzamaya mwa mukwakwa o kwanu, kono ki kuhatikela

fela mwa litwa. Hakuna limota zetaha li shetumuka, kwakona kuba mota hañwi kasumulaho wa nako. Kutaha kakusasana cwalo mwa nzila ya likululu, inge koti ya kale ya silami, kusina nihaiba hembe, mi ne i ñomezwi kwa mulaho sina *cwana*, ne li sa swani Ni ze ninani nako ya cwale; ne ni koloba kuisa mwa mañwele, neli kuzwelapili fela kusina kuisseza ngana kwateni. Mwabona, nekusina kubanga ni silami. Kono sani neli myaha ye mashumi amane ka a ketalizoho kwa mulaho. Kacwalo, ki mufokolo omutuna luli, uile mwa limaili zeñata luli ni kufita fa lubilo loluñwi, mwa ziba, kacwalo ha lu sa li tokomela sina mo ne lu tokomelela.

¹⁰ Ni boni Muzwale Capps ha nanuzi toho ya hae mwahalimu. Mu banana hahulu kuli munahane minahano yeo cwale. Mi mulibelele kufitela mufita fo Muzwale Neville ni Na luinzi, mi—mi muka—muka nahana lika zeñata ze shutana, zeo za fokolisa luli.

¹¹ Kihande, lubile ni linako zende ku Mulena. Mulena u lu fuyozi hahuluhulu, mi Ni itumezi hahulu. Mi Ni kutile, Ni sepa kuli, Sunda yetaha, haiba Mulena alata, Ni bata, haiba Muzwale Neville ha bilaeli, ni . . . Nina ni sebelezo, mbweshha kakusasana la Sunda mi mwendi ni la Sunda busihu, sebelezo ya kufolisa la Sunda busihu. Kakusasana la Sunda Nina ni liñusa le libutokwa, haiba Mulena alata kuli ni li tise. Hani si ka hupula ka tuto yaka . . . ha ki tuto yaka fela, hakuna makalelo ku yona, kakuli Ni—Ni . . . kusina nihaiba—nihaiba yekana, mwa ziba, sinulo yezwa ku Mulena, kono iinzi fela kuna. Ni—Ni bata kuzibahaza nto yeñwi la Sunda yeo Ni sepa kuli ika tusa nyana mwahala linzila zee.

¹² Nina ni kuya cwale mwa simu, mi Ni nani fela zazi ni zazi le kupateha kai ni kai. Ni sepa kuli Billy na sweli ni bulelela kuli, mwahala misipili, kuli Nina ni mazazi amabeli kamba amalalu kuli Ni tahe kwa hae ka kweli ya Lungu kasumulaho Ni mano zwa kwanu, kukutela kwa Tucson, mi sani si ka felela ona kwani. Mi kuzwa fani kuyo punya mwa kweli ya Njimwana, Yenda, ha Ni ka kutela kwa neku la kwanu hape kuzwa kwabuse bwa mawate.

¹³ Cwale, ki mazazi amabeli fela kuli lufite la Kilisimasi. Ki lizazi lililiñwi fela, nji cwani? Ani ikona kuba amabeli. La Mubulo . . . La Bubeli ki Buitukiso bwa Kilisimasi? La Bubeli ki Buitukiso bwa Kilisimasi. Kana ha ki nto yemaswe kubona kuli pumulo yetuna ye, ye lu atumela, i atumelwa mwa mukwa o i atumelwa ka ona? Ki nto ye sabisa hahulu, ha ki—ki—ki nto kwa kumatelwa cwalo, ka kunahana kuli—kuli tushakame ni—ni litangu le libizwa “Krisss Kringle” (Santa Claus) ni lika kaufela, li ingile butokwa bobutuna kuzwa ku seo Kilisimasi ili sona.

¹⁴ Cwale, haluna . . . ha—ha lu zibi, mi Hani lumela cwalo . . . Ne ni swelil kutaha ni shetumuka, musala ka ukwa mulaho kwani,

mi Ni . . . hane lutaha mwa nzila, nelisweli kuteeleza ku mubali wa linaleli; kuli cwale, neba wezi fela kwa muhupulo wa kile ani bulelela mubali wa linaleli lilimo, zeñata ñata kwa mulaho, hane Ni sa li fela mulisana wa likomu mwa Indiana mo. Hane ba ni bulelezi cwalo . . . linaleli zani mo li tahelanga hamoho, inge fel mwa na ezelize mubali wa linaleli wapili yani ni mo ne siezahalezi sani, sene ba bulezi kuli neikaba sika se si ezahalanga zazi ni zazi, Ni lumela ubulezi kuli busihu bwa kacenu, lilimo ze mianda ye ketalizoho ka zetalu, kamba nto yeñwi ye cwalo. Mi kipeto si ka pangeha sinca hape, mwa: Sargas ni Jupiter, mi Ni libezi; ni Mart- . . . Mars; batili, Ni . . . ao ki mafosisa. Ki zeñwi za linaleli mo li matelanga ha li sila mwa tunzila twa zona mwa mundandwe wa lifasi, mi mubali wa linaleli yo busihu bo nasweli kulika kubulela kuli neli fela sika sa kuitahela fela. Ha—Ha ni—Ha ni lumeli zeo. Ni lumela kuli neli sika sa buipiteli, sa na ezize Mulimu. Yena, lika ki za buipiteli ni Mulimu. Yena u Ipitezzi.

¹⁵ Mi—mi Na talima fafasi ni kuziba kuli nto ye italimezi cwale fa kweli ya Lungu, Nina . . . haiba Mulena alata kuli ni pile nako yetelele yeo, Nikaba ni lilimo ze mashumi aketalizoho ka zeketalizoho za kupepwa. Mwabona? Mi Ni—Ni ziba kuli . . . Kono ha ni talimela kwa mulaho mwa Bupilo bwaka, mi Ni komoka kone li ezahalezi. Kuzwa kwa tu Kilisimasi totunyinyani twani, hane lu pahekanga masokisi aluna, mi Boma ne ba . . . Nelu banga ni olonji, ni tuemba totubeli totunyinyani twa switi, mi yani neibanga Kilisimasi yetuna ku luna. Kono, mwa ziba, banana bona—bona ba libebelelanga limpo zani. Lu—lu fumana kuli—kuli Kilisimasi ki . . . kwa banana hañata, ba—ba libelela kubona zeo mazazi a cwale. Ki—ki ze sikuluhezi kwa banana. Kono luli ilukela kuba babahulu; ilukela kuluta bana ba bona seo Kilisimasi ya niti ili yona.

¹⁶ Mi Na hani lumeli kuli—kuli Kreste na pepilwe ka lizazi la bu twenty faifi ka kweli ya Ñulule, mwa Judea, kakuli kwa bata kwani ka nako ye. Mwabona? Oh, mi kana balisana nebaka lisa cwani mitapi ya bona mwa nako ya busihu? Mi—mi hape ni mutelo ni lika zeñwi kaufela, mi Maria ka kutaha musipili omutelele wani, kuzwelela kafoo mwa Betelehemu konji ku yo punya mwa Judea, kuzwa kwa Jerusalema, nitaluse, kona kwa . . . kwa sipalo. Ha—Ha—Ha ni si ka kona—kukona—kukona kulumela cwalo. Hani ti lo lemuha, Ni lumela kuli na zwelela kwa Nazareta, mi cwale he . . . Kuli mane—mane li ezahale. Ne li sike za—za ezahala, kono Ni lumela kuli Kreste na pepilwe mwa nako ya salami, bakenisa kuli mwa mukwa ufi kaufela Nali Ngunyana. Mwabona? Mwa lemuha kuli, Na pepezwi mwa mulaka, isiñi mwa ndu?

¹⁷ Mi hane ba Mu isize kwa sifapahano (babañwi bani), kuya ka mo lu zibela, ne ba si kabulela za kuli Yena na ba ba zamaisize, kono ki bona bene ba Mu etelezi. Kana mwa ziba kuli ngunyana kamba ngu ina ni ku etelelwa kwa libulaelo? Haina—haina kuya

kwa libulaelo, muna—muna ni ku ietelela kuya kwani. Mi hañata ibanga puli kona ye etelelanga ngu. Mwani mwa—mwani mwa libaka za kubulaela, ba beyanga teni puli. Mi kipeto puli ya tula mwateni neku le, kufitela haika zwa mwateni kuli kipeto ngu ba ikwacise kuli ibulaiwe, mi kipeto si puli sa tula mwateni. Kono cwale hakutaha nako ya kubulaya puli, ika lahaka milezele ni kutundama (fakuli ikene mwahali) kono, kakuli, hamukoni kuifa mulatu. Kono—kono ki—ki nto yateni kuli ngu ietelelwe, mi ni Yena na etelezwi kuya kwa libulaelo. Neba Mu etelezi. Nali yena Ngunyana. Mi Ni lumela kuli zani ki za taho ni zona, mi lingu lipepwanga ka kweli ya Liatamanyi, Lungu, ni linako zeñwi mwani, isiñi kasumulaho wa Kandao. Mi ha Ni lumela kuli neli nako yeñwi kweli ya Liatamanyi isika fita kale kamba kuli ibe nto yeñwi kasumulaho wa kweli ya Kandao, ki mwahala ona linako zani.

¹⁸ Kono fani keleke, Bukreste, hane bu nyalani mwa Buroma, neli kwa mukopano wa Katengo ka ba Nicaea, fani ha ba amuhela . . . naha ya Buroma ha iamuhela Bukreste ni kueza sene ba biza kuli bulapeli bobu lumelilizwe bwa sikopekope, neli Bukreste. Ne ba ezize bulapeli bwa batu kaufela bwa sikopekope, mi ba lapela milimu, mi baba ni mulimu wa lizazi.

¹⁹ Mi ka nako ye cwale, kuwa ka—kuzwa ka la twenti wani kuisa ka la twenti faifi, lizazi libanga le li yemi mwa nzila yeswana halinze lizamaya cwalo. Mu biza cwani sani? Seli mu . . . Ne ni nahana kuli Na li ziba, kono ha Ni sa hupula za yona. Kono cwale lizazi—hali . . . li—li kaba ni nako yeñata hahulu ni kulatehelwa ki nako yeñata hahulu, kuisa ka la twenti wani, mwahala twenti wani ni twenti faifi kweli ya Ñulule. Oh, Ni libezi mo ba ibizezanga. Sikamañi? [Yomuñwi mwa kopano uli “Ekilipusi?”—Mu.] Batili, ekilipusi ki hali fita, lizazi ni kweli hali sila hamoho. Ki nto yeñwi cwalo, oh, Ni—Ni—Ni bata kuibulela kono na palelwa cwale. Konohe, kona kuyema nonga kwa lizazi kwani koba biza Maroma (fani kona hane kuile katowati fateni), ne ibizwanga kuli *kupuzo ya kupepwa kwa mulimu wa lizazi*. Neba nyakalalanga zateni kuzwa la twenti wani kuisa ka la twenti faifi Ñulule.

²⁰ Kacwalo he, kakuba kuli nto ye ne ifetuzwi, Rome kukena . . . Bukreste bwa amuhelwa, mwa nzila ya bona ya Rome mi se bali, “Luka ba ni nyakalalo yeswana, ni kuezeza *Mwana Mulimu kupuzo ya kupepwa*.” Mwabona? Mulimu wa lizazi, kupepwa kwa Jupiter, kuba kupepwa kwa Mwana Mulimu, twenti faifi Ñulule, mi sani . . .

²¹ Kono ki sutano mañi ye sinani? Mwabona, kacenu haluna ni . . . Niha ikaba ka . . . haiba neba ka li eza ka kweli ya Sikulu kamba Muyana, kamba ikona kuba nako ifi kaufela, isali kukena kwa kuhupula kuli ki “Mulimu ya lu file sepo yelunani ku luna.”

²² Mi cwale, mu li, “Kihande, zeñwi zani kaufela ki Santa Claus ni kuzwelapili sina moba ezeza; kiñi, ni luna hakulata lwakona kueza cwalo.” Batili, sha! Batili, wo ha ki mukiti wa sihedeni ku luna, ye ki hola ye butokwa yekenile. Kambe nekusina Kilisimasi, nekusine kwaba zuho. Kambe nekusina Kilisimasi: nekusike kwaba lilato, nekusike kwaba kozo, nekusike kwaba Bupilo kasumulaho ku mulumeli; kambe fela nekusina Kilisimasi.

²³ Mi cwale, mu li, “Kihande, haiba babañwi ba lifasi kaufela, bakona fela . . .” Kihande, mwabona, liseli leli monyehanga mwa lihalimu hanyinyani, mwa malu amansu, libonisa kuli kwakona kuba liseli mwa nako ya lififi. Ona maseli a busihu bo apaka cwalo, kuli kwakona kuba liseli mwa nako ya lififi. Mi kana liseli li monyehanga nako mañi ka kutuka hahulu? Ki mwa lififi. Ha mu tukisa maseli a ka nako ya musihali, lizazi lisweli kubenya, hamuna kulemuha kuli atuka. Kono kaseli kaka likana fela kalikamu, kaka benya hahulu zangana mwa nako ya lififi. Mi ona fa cwani kuna ni lififi kanti Mukreste ulukela kufa bupaki bwa sepo yeli ku yena, ya Jesu Kreste Mwana Mulimu; isiñi ka za Kriss Kringle yana pepilwe kwa mulaho kafo, mwa ziba, mi kota haitukiswa ni ku fita ni yona mwa mushitu busihu bobuñwi, kuna ni likande la buhata kuli hakuna mafelelezo ku yona. Kono lu lumela ka kuyendamena fa Sepiso ya Linzwi la Mulimu ka kutaha kwa Mesia, mi Na pepilwe ka lizazi la Kilisimasi, twenti . . . bukaufi ni myaha ye likiti zepeli kwa mulaho, lwa lumela.

²⁴ Kacwalo, busihu boo luka bulela hanyinyani fela ka nto ye shutana. Ni sepa kuli bo mulisana ba mina ba bulezi kale, mi nisepa kuli ba ka bulela la Bulalu hape kakuli Ni—Ni ziba kuli bana ni litaba ze ñozwi kamba nto ye cwalo, kuli banife katala ka busihu boo. Mi Ni bata kuli ba li tise bona kasibili, Ni bata ku ba utwa.

Kono, lu si ka eza kale se, ha lu inamiseni fela litho za luna hape fa nako nyana kwa tapelo:

²⁵ Ndate yakwa Lihalimu, yona nako ye kenile ye, halu nahana ka lika zeshutana mwa Mañolo mo, kuli kaufela ko lu ya, kwa mulaho mwa Testamente ya Kale, abulela ka lizazi lani fo Mulimu haka luma Mwana Hae. Mane ni mo bapolofita ba kale bani neba tomezi nako ya sipolofita sa Linzwi la Mulimu kutaha ku bona. Mi neba polofitile mwa mazazi a bona ni kubulela cimo lika ze ne ka ezahala, mi lwa libona kaufela hali kopana busihu bwani kwa Betelehema fani Mulimu ha na latile hahulu lifasi kuli mane Alifa Mwana Hae wa libanda. Lu itumela ku Wena ka se.

²⁶ Mi cwale, Mulena, busihu bo halunze luina fafasi kuli—kuli lu bulela Linzwi la Hao; mi Ki le li kenile luli, Mulena, leo kona libaka ha lu tabela kubulela ku Wena pili. Mi lu kupa kuli U

kwalule kutwisiso ya luna kwa Linzwi la Hao. Ka Libizo la Jesu lwa li kupa. Amen.

²⁷ Cwale Ni bata kubala Mañolo amañwi fa, ki likande la sindambo fela la Kilisimasi, la Liñolo le li fumaneha mwa—mwa Mateu, kauhanyo ya 2. Mi halunze lu apula ku yona, ni Joani 3:16.

²⁸ Mi busihu bobuñwi neli kwa Phoenix . . . Haiba mina sicaba sa matepu mo, baba sweli kuteeleza kwa matepu, Ni ka tabela kuli muteeleze ku yani yeli: *Kikabakalañi Jesu Hanatile Kwa Betelehema*. Kikabakalañi ha Na ezize cwalo? Ni lisupo zani za Davida, ze liteni ni—ni kulibeleva fa lilundu, ka kutalima fafasi ni kubona mpi ya Mafilisita ikonga kongile. Mi Ne ni bapanya sani handende ni kacenu, ni kufumana kuli Betelehema . . . se i talusa.

²⁹ Mi Krete ki yena Betelehema yaluna, mi ne ni bonisize kuli mutu kaufela ya pepilwe ki Mulimu upepezwi mwa Betelehema, kakuli Krete ki Betelehema. Mi sani kona sa Nali sona, ali *Sinkwa sa Bupilo*. Mi Beth, *B-e-t-h* italusa—italusa “ndu,” *E-l* ki “Mulimu,” mi e-l-h-e-m ki *Elhem* ye talusa “sinkwa,” mi ki “Ndu ya Sinkwa sa Mulimu.” Mi Jesu Krete nali yena “Ndu ya Sinkwa sa Mulimu,” Sinkwa sa Bupilo Bobusafeli. Mi mutu kaufela ya pepezwi ku Krete, mu pepezwi mwa *Betelehema*, “Ndu ya Sinkwa sa Mulimu.” Mane kuli tutengo twa likeleke kacenu mo tu ikongakongezi, sina Mafilisita, kuli ba zwise sicaba ku Zona.

³⁰ Mane kuli baana baba kutekeha bani, ka kuziba kuli Davida na tozizwe mi na taha kwa kuba mulena zazi leliñwi . . . ne ku sa zibahali ka nako yani, kakuli nali muyambaeli mwahala sicaba sa habo, kono zazi leliñwi pizo ya hae ya taha. Neba na ni baana baba kutekeha ni yena. Mi muhupule, baana bani neli Bamacaba, buñata bwa bona kaufela neli Bamacaba, ki mufuta omunde luli wa kacenu. Mi muuna alimuñwi nali ya tiile ya butokwa, a bulaya baana babaeza myanda ye ketalizoho ka zetalu ni . . . ni lilumo la hae, yena kasibili, mwa zazi lililiñwi. Mutu ni mutu na yemi mwa simu ya miloho, mi kwataha mpi, sikwata sa masole. Mi kaufela bona ba mata, mi a yema fani ni kubulaya baana kufitela mazoho a hae a katala. Mi cwale mutu ni mutu, mwa na tulezi kukena mwa musima ni kubulaya tau ka lizazi la mbundu, yena anosi ona cwalo. Mi Mufilisi- . . . kamba Muegepita yana mu matisa, ni lilumo le litelele, mi ki hanga kota ni ku amuha lilumo mwa lizoho la hae, anga lilumo ni kubulaya Muegepita yena kasibili, ni kubulaya bo zamaisi ba limpi babaeza mianda yemilalu.

³¹ Ni kufa baana babatuna! Davida a huwa ali, “Kambe Ne ni ka nwa mezi nyana, mwabona, a zwa mwa lisima lani!” (kona kwa na yo nwisezanga lingu za hae hana yanga kakusasana, kuzwa mwa mulaka, ne libatanga mezi a kunwa) Mi baana ba ba

comola malumo a bona ni kulwana mwahala limaili ze lishumi ka zeketalizoho za baana, ba yo ka mezi ni ku a tisa.

³² Mi Davida ali, “Kusike kwaba cwalo, kuli Ni a nwe.” Mi ki ha asululela fafasi kakuba sino sa sitabelo ku Mulena. Ha ki siswaniso kwa bunde san to yeswana, sa yona Joani 3:16, busihu boo.

*. . . Mulimu na latile hahulu lifasi, kuli Afa Mwana
Hae wa libanda, . . .*

³³ Mi kisikamañi sa na eize Kreste? Bupilo bwa Na pilile Kuyakuile, A asululela fafasi kuzwa mwa misinga ya Hae, ona bupilo bwa Hae bwa nama, fa mubu kakuba sitabelo sa sibi ku luna. Mane ni kuli Bamacaba kacenu, baana baba kutekeha, baana, lindwalume zetuna za baana, kunga lilumo, ni kuyema fani ni kuikataza mwahala nzila kaufela ku yo ka mezi a amanca a Kreste (yena Davida waluna), ili ze sa zibahali kacenu. Kono Davida waluna, ili yo luziba kuli Wa taha mwa puso, Uka hatikela naha kaufela mwatasa mwautu a Hae ona cwalo, ni kuba bus aka mulamu wa sipi. Mi baana babatuna, inze ba yemi ni Linzwi la Mulimu ni ku lemaka kwa neku ni neku kaufela kusina kusaba, kakuli lu ziba kuli Utaha mwa puso.

³⁴ Halu baleni cwale, kasumulaho wa Joani 3:16; halu baleni kupota kwa—kwa Bababutali ba Muhalalehi Mateu, kauhanyo ya 2.

*Cwale Jesu hana pepilwe mwa Betelehema wa Judea
mwa mazazi a mulena Heroda, amubone, kwa taha
baana bababutali kuzwa kwa—kuzwa kwa upa kwa
Jerusalema,*

*Bali, Ukai ya pepilwe Mulena wa Majuda? kakuli lu
boni naleli ya hae kwa upa, mi lu ti lo mu kubamela.*

*Mi cwale Heroda mulena . . . hautwa manzwi ao, a
filikana, hamoho cwalo ni Jerusalema kaufela.*

*Mi ha sa kopanyize . . . ba prisita babahulu ni bañoli
ba sicaba hamoho, aba buza kone ku lukela kupepelwa
Kreste.*

*Mi bali ku yena, Kwa Betelehema wa Judea: kakuli ku
ñozwi cwana ki mupolofita kuli,*

*Mi wena Betelehema, mwa naha ya Juda, niha uli yo
munyinyani mwahala malena a Juda: . . . ku wena ku ka
zwa Muzamaisi, ya ka lisa sicaba sa ka sa Isilaele.*

*. . . Heroda, ha sa batisize hande taba yeo abiza baana
bababutali, ku ba buzisisa ka kutikitiba ka nako yene
bonahezi naleli.*

*Mi ki ba luma kwa Betelehema, mi ali, Amuzamaye
mu yo bat aka tokomelo mwana yoo; mi hamuse mu mu*

fumani, mu ni tiseze piho hape, kuli Ni tahe ni to mu kubamela nina.

Mi hase . . . ba utwile ku mulena, ba zwa; mi, amubone, naleli, yene ba boni kwa upa, ya ba zamaya kwapili, kufitela ito yema ko ke kuinzi mwana.

Mi ba si no bona naleli, ba nyakalala ka tabo yetuna.

Mi ba si no kena mwa ndu, ba bona mwana ni Maria yena mahe, mi ba wa fafasi, ni ku mu kubamela: mi . . . ba kwalula limpo za bona, ba mu zwisesa limpo; gauda, . . . insense, ni mirra.

Mi ba lemuswa ki Mulimu mwa tolo kuli basike ba funduka . . . basike ba kutela ku Heroda, ba kutela kwa naha ya bona ka nzila isili.

³⁵ Ki nto yenca fa kamo Mulimu, mwa nzila ye nyinyani, . . . Mulimu wa bulelanga ni batu ka litolo. Na lumela cwalo. Kono mane mwa taba mo Mulimu naitusisize mukwa wa bubeli.

³⁶ Cwale, tolo ki . . . ki tolo, haiba itolokiwa ka kulikana, iswana fela sina pono; haiba ki tolo mi iba ye tolokilwe. Mulimu wa itusisanga yona kukalela mwa linako za Testamente ya Kale kutaha cwalo ni mwahala masika, mi usepimize mwa mazazi a maungulo kuitusisa yona hape. Cwale, batu bakona kuca mane kusinduka mi—mi ni zeñwi cwalo ni kulola bipuku, mi ha ki—ha ki za niti, litolo za moya, ha li zamaeleli ha mu—ha mu bala ka zona. Mi zeñwi za yona za kona kuba ze lukile, kono niteni kuna ni litolo za niti, za moya. Mi lwa ziba mwa tabernakele mo kuli Mulimu wa fanga sicaba litolo mi za tolokiwanga, mi li to ezahalanga, mi ki za niti. Kono ki nzila ya bubeli ya kueza ka yona. Mwabona?

³⁷ Cwale, libaka lene li ezelizwe ka nako yani, neli bakeñisa kuli nekusina mupolofita mwa naha ka nako yani, wa kutoloka litolo. Mwabona? Nekusina mupolofita wa kutoloka litolo, sina Josefa ni—ni Daniele ni bapolofita bani ba kale. Nebasina mupolofita ka myaha ye myanda yemine, mi Mulimu na itusisa litolo kwa . . . kuya ka mwa na pilela Mwana Hae Luli. Na ezize ona cwalo.

³⁸ Na bulelezi Josefa, inge asali “muuna fela, a sa lati ku mu swabisa ku babañata, a hupula ku mulisela kwatuko.” Haku kakanyiwi kuli na mu bulelezi ka za kupota kwa Gabriele ni zeñwi cwalo, mi san a bulezi; kono hana muboni kuba mee, ne—ne ibile nto yenca. Mwa ziba, neli fela . . . neli nto yeñwi ye shutana hahulu. Mi mwa ziba, bo kona butata kacenu. Mulimu uezanga lika zenca, mi ki zenca luli kufitela nihaiba mutu ya lukile hakoni ku libona.

³⁹ Josefa na sa li utwisisi, neli zenca luli. Nali muuna yomunde, hakuna sene si fosahalile ku yena. Nali muuna yomunde, muuna ya lukile, kono neli zenca hahulu. Mwabona, Josefa kaniti

hakulata neli wa myaha ye mashumi amane kamba mashumi amane ni ze ketalizoho za kupepwa, nto yeñwi ye cwalo, mo ku bulelelwa, fani yena ni Maria hane bas a beelezani. Kono fa lufumana nto yeñwi yene si ka ezahala kale fateni: musali ya beelelizwe ku muuna yo kono hape a fumanehe kuba me! Mi neli nto yenca luli kuli Josefa a hupula ku mu hana. Kono ka yona nako yetata yani, Mulimu na lumile Lingeloi la Hae, mi la bonahala ku yena mwa tolo ni kubulela kuli, “Usike wa saba ku ikungela Maria kuba musala hao, kakuli Sa itwezi ki sa Moya o Kenile.”

⁴⁰ Ha ki tumelo kwa bunca ni yeo yana bile ni yona Josef aka nako yana zuhile fani! Mwabona, nasina butokwa bwa kuba ni toloko ifi kaufela, tolo neisiyo mwa lisupo. Neli ye namile fela hande, “Usike was aba ku ikungela Maria musala hao, kakuli kakuli Sa itwezi ki sa Moya o Kenile.” Nekusina mupolofita ya na kafa toloko, kacwalo neina ni kutaha handende cwalo, neli ka swanelo ona cwalo; ku Mulimu . . . kuzwa ku Mulimu kutaha ku Josefa. Cwale . . . kono Mulimu na ngile nzila ya bubeli yani.

⁴¹ Seo si luluta sikamañi ona fa, lusika nata kale fa palo ya luna? Ki se si ilu luta: kuli Mulimu akone kuitusisa buino kaufela bwa ngana ya luna haiba bu ipeya- . . . kuipeya ku Yena. Wakona kuitusisa mihupulo ya luna, litolo zaluna, maikuto a luna a mwahali, lizwalo la luna lapili, lulimi lwa luna, lipina zaluna, meeto a luna, zaluna . . . Lika kaufela zelu nani zakona kuitusiswa ki Mulimu haiba lifiwa ku Mulimu. Mwabona? Lika kaufela zeo muli zona, kulibeya ku Mulimu. Uka itusisa nzila kaufela ni siemba kaufela sa mina, Uka itusisa yona. Hakuna taba kamba ki sikamañi, Uka itusisa zona haiba likona kukeniswa kwa mulelo wa Hae ni pizo.

⁴² Cwale, busihu boo luka bulela ka za: *Limpo*. Mi Ni bata kubeya mukanga wo, haiba . . . Ni ñozi, nto yeñwi ona fa, mi Muzwale Neville u nanuhile: *Limpo Za Mulimu Sona Kamita Lifumana . . . Limpo Za Mulimu Kamita Lifumananga Libaka Za Zona*. Limpo za Mulimu zona kamita za haniwanga, kono luli za fumananga sibaka sa zona haiba . . .

⁴³ Cwale, hamutalime limpo ze ne ba tizize baana bababutali baa . . . kamba ze ne batisize ku Yena. Kacenu lufumana kuli lwa cincananga limpo. Mañi ni mañi una ni kuba ni mpo, ni kulika kubona mutu yomuñwi sa kafa ku yena, konakuli wa kona ku mufa nto yeñwi ye fita yani ha ibapanywa. Mi haiba ha iswani, kihande, ka zazi la pili mwa Silimo Sesinca, u ikutwa kuli wakona ku li cinca. Mi mañi ni mañi inza bala ni kubilaela hanza zamaya cwalo, batu ba mali ma milioneya, mo ba ka lumelelanelana. Bakafa hahulu zeñata ku *yo* ni ku *yani*, kanti—kanti kaufela ki ze fosahalile. Ki—ki—ki—ki kuli kaufela ki . . . Kilisimasi . . .

44 Fa: kuna ni fela mpo iliñwi yemukona kufa, mi yeo ki mina bañi. Muipe ili mina ku Mulimu kakuli Mulimu ulufile kale Mpo ya Hae. Cwale, yani kona fela nto iliñwi ye mu kolotezi Mulimu, nto yeo ki mina ku Yena.

45 Cwale, ni linako zeñata, *mabizo* a mwa Bibebe. Halu sa libona ni hanyinyani, kacenu. Luna . . . Mu ni utwile hañata ha ni sehisa ka libizo le, la kubizisa banana . . . kamba batu baba bizanga bana babona kuli “Ricky.” Cwale, *Ricky* ki libizo leli maswe! Mwabona? Mi ki la . . . hamu lukeli kuba beyanga mabizo ao. Haiba muna ni mwana ya bizwa Ricky, kuya ka bunde, mui li cince mukete lisili. *Ricky*, kamba—kamba *Elvis*, kamba nto yeñwi ye cwalo . . . *Ricky* italusa “peba.” Mwabona? Mi kacwalo mu—mu ye . . . Mi—mi se mubiza mutu kuba sona, kona se si bonahalisa ona cwalo. Kalibe yomunyinyani, ka zazi leliñwi, nana ni mushimani yomunyinyani kwani yana bizwa “Ricky” mi libizo la hae neli Ricky, James Ricky. Mi bakenisa kuli neli leli zibahala hahulu la (Ricky), ne ba mubiza kuli “Ricky.” Se nili, “Mucince libizo leo!”

46 Ni lemuha batu babainzi mo cwale babana ni muikulyabo wa mushimani yomunyinyani, mi libizo la hae ki . . . yena ki—ki mushimani yomunde hahulu, ki mutu yomunyinyani ya tabisa; mi yomuñwi ki Ricky, mi sani kona sa li sona. Mu mutalime fela, sibupeho sa hae siswana sibonahala fela ona cwalo. Mi yena . . . Ne ni bulezi ku bokuku a hae babañwi, kamba neli usili fela yani, Se nili, “Bulelela bomahe kuli bacince libizo la mushimani yani, mu cince fela libizo leo mi mu kabona se si ka ezahala ku mwanana yani.” Mwabona, mina sicaba hamu lati kulumela cwalo. Lu nahana kuli lu pilile nako yetelele hahulu kufitelela foo.

47 Haiba hakuna sika mwa libizo, mi kupalañi haibile fela Jakobo na bizwa kuli *Jakobo*, le litalusa kuli “kuluku, mupumi,” ki sona sanali sona nji? Kono ha na lwanile ni Mulena busihu kaufela, Mulena a cinca libizo la hae, mi bukaufi ni . . . hanali bukaufi ni myaha ye mashumi asilezi ya kupepwa. A cinca libizo la hae kuzwa—kuzwa—kuzwa ku Jakobo kuba *Isilaele*, “ili nabi wa Mulimu,” mi sani kona sanali sona.

Ki kabakalañi Abrame hana bizizwe kuli . . . hana bizizwe kuli “Abrahama” fani mbututu a si ka pepwa kale? Ki kabakalañi Sarai hana bizizwe “Sarah” fani mbututu a si ka pepwa kale?

Ki kabakalañi Paulusi . . . kamab kubizwa . . . libizo la hae neli Saule, kono ha to kopana ni Jesu, A mu cinca kuzwa ku Saule kuba “Paulusi.”

Fani Simoni hana cincizwe kuzwa ku Simoni kuba *Pitrosi*, ili kutalusa kuli “licwe lelinyinyani.” Mi—mi mabizo a bona kaufela a cinciwa, ki bakeñisa kuli se mu biziswa sina n into yeñwi ka sona. Ha mu bulela nto yeñwi, ya iponahaza ili yona. Hani lati

kukena ku zeo, kakuli zeo li ka taha la Sunda busihu, mwabona, sisupo sa linzwi. Mi, kono cwale, lu fumana lika ze kuba za niti.

⁴⁸ Cwale mutalimele, Mulimu... Ha ki nto kwa bunca ni yeo busihu boo, kubona kuli baana bani, Bababutali, baana babaitutile, baana babatuna... bene ba zwelela kwa Upa, kwani neli kwa Babilona, yeneli India. Mi ne ba si ka taha busihu kaufela, kuli ba funduke busihu bulibuñwi ni kufita kwani habusa, neba tandile lilimo zepeli kuli bayo fita kwani. Neba si ka taha ku Mbututu yomunyinyani mwa sicelo. Neba tile ku Mwana yanasa hulile nyana, neli Mwana ya hulile nyana. Mi Heroda a bulaya bana kukalela fa lilimo zepeli ya kupepwa. Mwabona, kuziba kuli ne si mbututu yali teele yana lobezi mwa sikungu, na ka bulaya limbututu zeli teele kaufela kanti. Kono na bulaile bana babanyinyani, kuli akone ku Mu bitula ni yena, kai ni kai kukalela fa lilimo zepeli za kupepwa kutaha mwatasi. Na tomile nako kakuli na ziba kuli halati kubulaya babañata hahulu, kaufela bona, fela na... kakuli nebaswana sina batanga ku yena. Nabata kuli a... be ya ikolwisisa ku Mu silaha ni yena, konakuli abulela kuli, “Mwana ulukela kuba ni lilimo zepeli za kupepwa. Kacwalo, sika kaufela kukalela fa lilimo zepeli kukuta mwatasi, mu si bulaye.” Mwabona?

Mi sani sa to taleleza sana bulezi mupolofita, kuli “Mwa—mwa Rama ku ka utwahala mu—mu mulumo kamba muhuwo, wa kubokolola; kuli ki Rachel yaka lilela bana ba hae, mi nebasi cwalo.”

⁴⁹ Cwale, kana mulemuhile kuli baana bababutali ba, baana babatuna, nebainzi kwa Babilona mi ba bona Naleli ya Hae, lu bulezi kuli, “Lu boni Naleli ya Hae kwa upa mi lu ti lo Mu kubamela.” Neba zwelela kwa upa, kone ba bonezi Naleli, kuya kwa wiko. Kakuli India ikwa wiko, wiko wa kwa mutulo wa Bab—... wa—wa Palestine. Mi bataha ka Nuka ya Tigris ni kufita mwa libala ona cwalo, kutaha mwa Betelehema kone ba fumani mbu—mbu—mbu Mbututu. Mi muhupule Josefa ni babañwi bani neba si ka zwa kwani; nebaile kwa Nazareta mi bayo huliseza teni Mwana, kafani.

⁵⁰ Cwale, lubona fa kuli neba tisize... Baana baa, ka kuba babali ba linaleli ni kubalisisa za linaleli, mi ba bona maseli a lihalimu ana bonahalezi mwa halimu mwani, kuli nekuna ni se ne si ezahala; kuli neba zibile kuli yani neli Mesia, mu—mu Muzamaisi wa lihalimu ni lifasi, na lukela kupepwa. Mi ba taha, banze ba ziba kuli Bumulimu bu ka kwalilwa, abeilwe mwa—mwa sibupeho sa butu; kakuli ku mi bonisa bupaki bwa mina... Mwa ziba, mwa ziba, bupilo bwa mina bu bulela ka kutumusa kwa manzwi a mina, kufitela mane hakuba kuli nihaiba ni se mubulela, batu ba ziba kamba—kamba ki mina bo sikamañi.

⁵¹ Mi mutalime sicaba se, Bababutali ba, ze ne ba Mu tiselize... Mutalimele limpo ze ne ba Mu tiselize, ne li paka sa

Nali sona. Ne ba Mu tiselize gauda, insense, ni mirra. Mi cwale hamutalimele lisupo ze, ze Ni bata kubulela ku mina ka zona cwale. . . ze taluswa ki lisupo ze. Cwale, Nina ni Mañolo amañwi a ñozwi fa e lu ka bala cwanoñu nyana fa, Mulena ha lata.

Cwale: gauda, ni insense, ni mirra.

⁵² Cwale: gauda mwa Bibe. . . ka mo iswaniseza hande ku Kreste, kakuli gauda ibulela ka za Bumulimu. *Gauda* ki “Bumulimu.” Lu ka fita ku yona mwa nako nyana. *Insense* ibulela ka za “sebelezo.” Haili *mirra* ki “lifu.” *Mulimu*, *Bumulimu*, *mwa sebelezo ya kushwa*. Mi sani kona sa Nali sona. Yona taba luli yene ba tisize ne ipakile sene ba hupula ka Yena.

⁵³ Mi Ni bulela kuli ku luna kacenu, “Lika ze lutisa ku Yena li bonahalisa mihupulo yaluna ka Yena.” Mwa utwisisa se Ni talusa? Mwabona? Haiba mu. . . Haiba mwa lumela ka lipilu za mina kaufela, Linzwi lateni kaufela, muka zibahaza ka kufa kaufela ze munani ku Lona. Mwabona? Kono haiba mulumela kuli ki sibaka sesinde sa kuba ni silikani ni batu babande, ba mwa keleke ni lika zeñwi cwalo, ona zeo kona fela ze mu ka fa (lihola fela zenyinyani za kukeshebisa ni zeñwi za likopano kamba nto yeñwi). Koono haiba mu—haiba mu Li lumela luli ka lipilu zamina kaufela, konakuli mu ka fa lika kaufela zeli ku mina ku Lona. Mwabona? Mi li ka mi paka, kuli mwa lumela Liñusa luli, kuli mwa li lumela kuba la Niti.

⁵⁴ Batu babañata hahulu ba bulela kuli, “Na kona kulumela zekuma fa kipeto. Na kona kulumela cwana.” Balutiwa. . . Na lumela nako yefelile kwanu, Ne ni bulezi za kuli: *Balumeli*, *Balikananyi ba kulumela*, *Ni Babasalumeli*. Nesi cwalo kana? Ne. . . ne Ni sika bulela ka yona kwanu nji? Mwabona? Mi mutu ufi ni ufi, mutalime sikwata sa hae. Mwabona, si ka fita fa sibaka sebakona kuikungela hahulu zeñata za zona, mi Habana kunga ze siyezi.

⁵⁵ Cwale, limpo ze mo ne li zamaelela ni musipili wa Kreste fa lifasi, Mbututu fa lifasi fa. Mi limpo ze zona zene ba Mu tiselize baana bababutali, ne li swanelela handendende ni tumo ya Hae yezwa ku Mulimu ni musipili wa Hae mwa lifasi.

⁵⁶ Cwale, nto ya pili: Mulimu. Yo neli Mulimu, Jesu neli Mulimu mwa mufuta wa mutu. Sani si tata kuli batu ba si amuhele, nihaiba kacenu, kuli “Nali yena Mulimu.” Mi Yena. . . Seo kona sa Nali sona. Na si nto isili kono neli Mulimu. Nali Mulimu yana bonahalezi mwa nama. Nali yena Mubupi mwahala pupo ya Hae Kasibili. Cwale sani. . . Nali yena Mubupi mwahala pupo ya Hae, ka pupo, kwa pupo. Nali Mubupi mwahala pupo ya Hae, ka pupo ya Hae, kwa pupo ya Hae. Mioya kaufela kukutela ku Mulimu, kona taba ka kutala. Kana hamuboni? Mutalelela wa Mulimu! Nali yena Mubupi kuli mane Nali Mulimu. Mi Yena neli Sibupiwa mwa lifasi (Sibupiwa sa nako), ili kotalusa kuli Na lukela kuba ni makalelo, kabakaleo Na Ipupezi Iliyena

mubili mwa kupila teni. Mulimu, Kasibili, kubupa mubili wa hae Kasibili. Mwabona? Kuli ka pupo ye, Akone kupilisa pupo ye latehile ya Na bupile.

⁵⁷ Hakuna sakona ku sinyelela mutu, hakuna neba nto iliñwi. Hakuna se mukona kueza kuli mu sinyeleze kufeleleza sika kaufela. Mwakona kunga siemba sa pampili ni ku icisa, mwakona ku cisa muyaho lotee, mwakona kucisa kota lotee; niteñi ha mu si ka isinyeleza kufelelela. Mu. . . mufutumala wani mwani, ona mulilo o nzo tuka wani, yani ki milyani ni zeñwi fela zesweli kupanca. Ikutela fela ku sene ibanga sona kwa simuluho. Ha i sinyehelili. Haiba mukona kucisa sishingwa lotee (mi lifasi, lili, kambe ne lu ka pila mwa Kuyakuile sina Mulimu, mi kipeto milyani ya mwa sishingwa sani ona mulilo wani ikutezi kwa makalelo a yona mi haili. . . mwa sika kaufela sene ibanga sona, ku panca kwa tutowati ni zeñwi cwalo, li—li lifasi, lili, zakona kubateni ka ma milioni a lilimo limo), mane zakona kukuta hape ni kutoba kota yeñwi, ona cwalo fela sina mo ne ibelanga.

⁵⁸ Hamukoni ku sinyeleza sika kaufela kufelelela kakuli ki Linzwi la Mulimu Lelibulezwi. Amen! Oh, mi seo ni utwisa fela kukala kuikutwa bulapeli, cwale. Mwabona? Sa bulela Mulimu, Sina ni kuyema ona cwalo kamita. Amen! Mwabona, hamukoni ku sinyeleza kufeleleza. Luna lu siemba sa lifasi le, mi halukoni sinyiwa kufelelela. Batili, sha. Sibi (moyo) uka sinyiwa kufelelela, lwa ziba cwalo. Kono haili—haili mubili mo lupila, haukoni ku sinyiwa kufelelela. Mwabona?

⁵⁹ Cwale, kabakaleo, Mulimu na ipupezi mubili Iliyena. Nali yena Mubupi, mi abupa pupo ya Hae Kasibili, kuli ka Pupo ya ye Akone kupilisa bani bene ba latehile mwa pupo ya Hae (bao ki mina ni Na, libupiwa za nako).

⁶⁰ Li—Li Linzwi la hae ne li bonisize ona cwalo ka kupetahala hande. . . Yena ni misebezi ya Hae ne ipakile kuli Na si mutu usili kwanda kuba Mubupi. Na ngile siemba sa sinkwa ni ku si komauna, ni kuzwelapili kukomauna siemba silisiñwi sa sinkwa sani, ni kufepa batu baba likiti zeketalizoho ku sona; ni kunopa lizuma zesupile za buungululwa, mi mañi ni mañi kwani nana ni—ni—ni kukula kusinduka ka sona sinkwa sani.

⁶¹ Na ngile tapi ni ku iloba tapi yani. Cwale haiba lukona kulemuha kuli Na bupile tapi kwa simuluho. Na bupile ona sinkwa sani kwa simuluho. Kono Na ngile tapi yani ni ku iloba. Tapi yepila neibile teni, mi kona iapehiwa kamba—kamba kuhalikiwa; mi kamba Na i lobile fahali, kamba neli cwani kaufela (kutatehiwa kamba kuhalikiwa), ya mela hape (ka muzuzu oswana wa Na iloba) kuba tapi ye tatehilwe kamba ye halikilwe. Kana ha kinto yende yeo? Sani ne si bonisize kuli Na si nto isili kwanda kuba Jehova. Mi cwale Nali yena Mubupi ya na kona kunga pupo ya Hae Tota, mi ka pupo ya Hae, abonahalisa Yo nali Yena. Haleluya! Sani ne sipaka sa Nali sona Luli. Nali

yena Bumulimu. Kacwalo, gauda neitaha ku Yena, mwa nubu fa kupepwa kwa Hae. Nali yena Bumulimu bobu ezizwe nama.

⁶² Nakona ku nokela nto yeñwi- . . . Hakuna baeñi mwahala luna busihu boo, Na sepa, kacwalo . . . mwa mukopano wow a litapelo. Kono mutuhele ni bulele nto yeñwi. Kana Jesu, ha Na li fa, . . . ? Cwale, se ki sa kuinahanela, isiñi sa . . . hakulata . . . kubatisisa nitaluse. Mulemuhe, ki ku inahanela fela, Jesu naize, ku Muhalalehi Joani 14:12, “Ya lumela ku Na, misebezi ye Ni eza uka ieza ni yena mane yemituna ni kufita ye uka i eza, kakuli Ni yak u Ndate Luli.” Kana mulemuhile cwalo? Mulemuhe, cwale, yani neli Mwana Mulimu yana seписа ku mulumeli, lika zetuna za Na ezize zani, (mwa mazazi a maungulo a) kuli mulumeli uka eza lika zetuna kufita za Na ezize. Muhalalehi Joani, kauhanyo ya 14, timana ya 12. Kana ki niti? Kana mwa lumela kuli ki Jesu yana bulezi?

⁶³ Mulemuhe, fani Jesu hana bupile sinkwa; Na ngile kaemba ka sinkwa, ni kubupa sinkwa sene sili sinkwa ni kale. Ha Na bupile litapi; Na ngile tapi yeneli tapi ni kale, ni kubeya tapi yeñiw yezwa kuyona. Kana ki niti yeo? Na ngile mezi, ili ana zibahala kuli naka fetuha waine, ni kueza waine ku ona. Kana ki niti yeo? Kono lu Mu boni mwahala luna, mwa mazazi a maungulo aa, abupa lika ze iponahaza, kusina sika se si yemi fani! Kana ki niti yeo? Ku bupa kamale fo kusina kamale. Luli! Oh, Yena u . . . siyala ali Mulimu. Yena usali ka Bumulimu kacenu sina mwa Na bezi linako za kale ni ze sa taha, kamba za kwapili ki mwa kana abela. Yena usali Mulimu, ni swabisa lipilu kuli li lumele cwalo, “Lika zetuna kufita zee, mina . . . kusina kuswala ni kuloba sika kwateni. Muka bulela, mi si kaba cwalo.”

⁶⁴ Amulemuhe cwale, lufumana kuli za Hae. . . Na itibahalize. Misebezi ya Na ezize ne ipaka kuli Nali yena Bumulimu, ne ibonisa kuli Nali yena. Kakuli Na bulezi kuli, “Haiba Ni sa ezi musebezi ya Hae Ndate, konakuli musike mwa Ni lumela.”

⁶⁵ Mi kana Mukreste asike abulela kacenu kuli, “Haiba Ni sa ezi misebezi ya Mupulusi waka, musike mwa ni lumela?” Mwabona?

⁶⁶ “Sina Ndate ha Ni lumile, Nina ni mi luma cwalo.” Mi haiba ne muka eza misebezi, misebezi ya pupo ya Ndate ya na Mu lumile, konakuli ki pupo . . . Yena Krete (Mubupi) ya lu luma, ki yena ya eza misebezi ya Krete yena Mubupi. Mwabona? “Sina Ndate ha Ni lumile, Nina ni mi luma cwalo. Mi haiba Ni sa ezi misebezi ya Hae Ndate, musike mwa ni lumela.”

⁶⁷ Konakuli Mukreste kacenu una ni kueza Bupilo bwana ezize Krete kusicwalo luna ni tukelo ya kubulela kuli, “Ha ku cwalo.”

⁶⁸ Amulemuhe cwale, misebezi ya Hae ne i Mu bupile . . . kamba ku Mu paka kuli ki Mubupi. Misebezi ya hae ya Na ezize ne i apesa bupaki bwa bupilo bwa Hae, kuli Nali yena “Mubupi”; hakuna mukwa wa kuzwa kuzona. Kabakaleo, hane ba file mpo

ya gauda, neba bile mwa kutwano yepetalhalile hande ni Mulimu ka mpo ya bona. Neba Mu file gauda, yene Mu pakile kuli nali Bumulimu. Kamita ki mushukwe, mushukwe wa gauda. . . toho ya gauda, ya Mulena Nebukadinezare. Kaufela, mwa bona, ki. . . kamita Bumulimu bu yemelwa ka gauda.

⁶⁹ Cwale: *insense*. Lubata ku nopa lika ze kapili. *Insense* ki “nubu ya sebelezo ku Jehova.” Cwale, haiba mubata kuñola Mañolo ao, ki Levitike 2:2, ni Levitike 16:6 kuisa 15. Lu fumana kuli wani neli mukwa wa buprisita, wa kueza nubu ku Jehova. Ha na fa nubu, ne ifiwa ka kukopanyiwa ni insense kuba nubu ya sibi, neba ngangana lika ze shutana ni kuli kopanya kopanya hamoho. Kuba nubu ya sico, kwa nubu ya kupatalaza kwa sicaba, insense ne ikezewa. Kakuli, neiamuhelwa ku Jehova haiba ne itozwa ka *insense*, ili kutalusa kuli “sebelezo ku Jehova, Mulimu.” Mi, cwale, lu fumana kuli ki Yena Bumulimu. Mi ba Mu tiseza insense, yene talusa kuli Nali sebelezo ku Jehova. Jesu ki Mutanga wa Jehova.

⁷⁰ Cwale, ku Muhalaleli Mateu 12:15 kuisa 21, lu fumana kuli Nali Mutanga wa Jehova, “Amubone Mutanga ka, Ili mo Ni katelwa kuina” (mi Nali cwalo) “mi Ni beya mata a Ka ku Yena.” Konakuli bupilo bwa Hae ne butozizwe ka insense, kwa sebelezo ya Jehova. Keli mpo yecwani yene ba file baana bababutali bani! Mwabona, neli nto yeñwi ya. . . neli—neli mpo yene ba file, neli nto yene lukela ku bonahalisa Jesu ka kuba Mutanga wa Jehova.

⁷¹ Cwale kambe neluka eza fela cwalo, kuli lu zibahalise bupilo bwa luna. Mwabona, bupilo bwa luna kuli bu zibahalise kuba sina mutanga wa Jehova. Sani kona sene ibezi teni insense, ne i Mu ezize kuba Mutanga wa Jehova.

⁷² Cwale, *mirra*, m-i-r-r-a, neli “mafula a lifu.” Lu fumana ku Muhalalehi Joani, kauhanyo ya 19, timana ya 39, kuli fa kuya kwa—kwa sebelezo ya maswabi a Jesu, fani Maria ni babañwi hane baile, neba lwezi mirra kuli ba yo Mu toza; kakuli Na lukela kuba Mutanga wa lifu wa Jehova. Mwabona? Mutu yomuñwi na lukela kushwa. Yani neli yona sebelezo yene na ni kuezewa Mulimu, mi hakuna yana lukela ku eza cwalo kwanda Mulimu yena Kasibili. Kacwalo, kutisa mirra—mirra, ki kubonisa kuli kuna ni Bumulimu, mi ni sebelezo, kuli Na tozizwe cwalo ni mirra; kuli Bumulimu bo nebuna ni kubulaiwa kuli bu pilise ya si ka petahala. Oh, ha ki nto kwa bunde ni yeo!

⁷³ Pupo kaufela ne i latehile. Lu fitile mwateni mwa Maswayo Asupa. Mwabona, pupo kaufela nei latehile, lika kaufela ne li i congile. Kaufela ne li za Satani. Na tilo ikungela zona mi isali za hae. Kaniti ku cwalo. Ki kabakaleo ha lu lwana ni kuba ni butata bo kaufela. Ki yena ya zamaisa mubuso kaufela; Satani ki yena ya eza seo. Muuso ufi kaufela, mulena ufi kaufela, mubuso ufi kaufela, uzamaiswa ki Satani. Lifasi kamukana li zamaiswa ki Satani. Ki kabakaleo haluna ni butata bo lunani. Muituti

wa Biblele kaufela, kamba sika kaufela, sakona ku mi bulelela kuli Satani. . . Kihande, Biblele ni Kasibili ibulelela kuli na busa, mwabona, kuli wa busa lifasi. Kono Kreste uka ikungela Zona, kakuli cwale ki Yena Muliululi wa luna. Mi U tilo liulula pupo kaufela, mi hakuna se si kona kueza cwalo kwanda Mulinu yena Kasibili.

⁷⁴ Ki kabakaleo Mulimu ha sa ezangi sika kusina mutu. Ubeleka kufitela ku mutu kamita kakuli Na itusize mutu. Mutu ki yena ya Na itusize fa kubonisa mulelo wa Hae wa Mupulusi. Na mu ezize ka siswaniso sa Hae, ku muezza kuba yaswana ni Yena, ni ku mubeya fa tukuluho ya kuketa ni ku mu tuhela kuli aeze ka mikwa kaufela ya lata. Na ka ikungela keto ya hae. Mi Na zibile mutu yani, ka ku mufa keto ye, kuli n aka wa. Cwale ka kuba kuli Nana ni kueza sani, Ukuta hape ni kuto eza mutu kuba mulikana Hae, mi hakuna Sa ezanga kwanda kuli afitele ku mutu!

⁷⁵ Musebezi kaufela wa kupiliswa neutile ka mutu! Haleluya! Lifu li tahile ka mutu wapili, Bupilo butahile ka Adama wa bubeli. Mwabona? Ki fo cwale, Yena hakuna sa ezanga kakuli Nana ni kuitusisa mutu ka sani, mi kona A ka itusisa mutu kwa kukutisa hape. Kacwalo Bumulimu bwa ba Jehova, kamba, Jehova kuba- . . . Yena ki Bumulimu, mi Aba yena—yena Mwana. Natile mwa sibupeho sa sibi, kuli A liulule muezalibi. Mwabona, yani kona taba kaufela.

⁷⁶ Cwale, mutalime zeo. . . ka bukwala ni swanelo mo li zamaelela limpo zani ku Jesu Kreste; mwabona, gauda, iambola ka za Bumulimu bwa Hae. Mwabona, ne si bahedeni. Ne ba susumelizwe ki Mulimu. Ne ba sa akalezi fela lika. Seo sa paka ona foo, nihaiba Balauli, kuli ba boni Zabuipiteli. Kakuli mpo ya bona kasibili, yene ba file, ne i pakile ni kubulelela ka bupaki bwa bona kuli ne ba boni Liseli la Buipiteli. Kakuli kiñi? Ya bulelela hande patalaza. Neba tisize *gauda*, “Bumulimu.” Neba tisize *insense*, “sebelezo.” Mi batisa ni *mirra*, ya “lifu” la Hae, mane inge asali fela Mbututu, amen, kubonisa kuli Bumulimu nebuka bulaiwa mwa lifu, amen, kuli bu lamulele mutu ya na wile. Kana batu bakona cwani kuhana zani?

⁷⁷ Mi ha mulemuha: Kuli ki sikamañi se lueza fa? Ki kai ko luzwela? Kamba ki musebezi mañi olunani ka kuba fa? Ne lu si ka tiswa fa ka sipundumukela fela, ne lu beezwi kulo fa ka mulelo omuñwi mi lulukela kupeta mulelo wo. Kono niteni lu kutela fa buino bwa batu babana ni tukuluho ya ku Buketa kamba ku Buhana, kuswana fela inge Adama mwa na ezelize kwa simuluhu.

⁷⁸ Na talimela, basizana babanyinyani ba mo, Muzwale. . . Kisikamañi. . . ? Ni lumela kuli ki musizana yomunyinyani yana liza piano, mi Ne—Ne ni sweli kuba utwa hane ba opela. Nelu sweli kuambola ka bona, fa musipili hane lutaha kwanu.

Ki lubasi lolunyinyani lo lufile bupilo bwa lona kaufela ni lika kaufela ku Kreste. Mutalimele lubasi lwani, mo lubezi lwa likute. Mutalime basizana babanyinyani bani. Neba yemi kwapili kwanu, ki—ki mutala kwa basali ba sanana, ba lilimo za bunca. Mi hakuna taba . . .

⁷⁹ Lisunda nyana kwa mulaho Neni ile kwa . . . Ha ni sa ziba libizo la sibaka sani kulo kwani, mwa New York cwale, kone bana ni siemba sesituna mwa tolopo sesitezi babanca ba lipina. Cwale, basizana bani kulo kwani ni—ni tulukwe to tu kama mi—mi mane kutokwa nihaiba sesiñwi kono konji iliñwi ya tunekunda twa kale twani, sina mob a tubizeza, fahalimu nyana fani. Mi, oh, ki swalis- . . . Baeza sika kaufela sesili mwa munahano wa bona, hakuna taba kamba ki sikamañi, ki kabakaleo—ki kabakaleo ha bali babanca ba mielembo. Bakona kueza fela sika kaufela. Haiba babata kulobala fafasi, habana kuzuha, baka lobala ona cwalo fafasi mi habana kuzuha. Haiba babata ku zamaya, bayo eza nto yeñwi, b aka eza; haiba haba lati, ha balati. Fela, minahano ya bona ya fulana! Mi kipeto ngana ye si ka fetulwa ikona kufita fa sikamañi? Hamuna tukelo ya kueza cwalo, kakuli ha mu ba mina bañi; mu lekilwe ka Bumulumu, Jesu Kreste, yena Mwana Mulimu ya na ezizwe nama. Kono, mwabona, swalisano ya sibi!

⁸⁰ Mi ha mubona nto yelikani, basizana babanyinyani cwalo ha ba yema kuba mitala yeminde; kiñi, ku na, ki liseli mwa nako ya lififi. Ki liseli le liswana sina lubya mwa malu amansu, kuba tupa ya malimi amañata ya Mulimu, mwa halimu kubonisa kuli kwakona kuba Liseli! Kwakona kuba kuluka mwahala sibi!

⁸¹ Maria, mahe Jesu, mwa muleneñi wa Nazareta, muleneñi o no tezi bumaswe hahulu ku yeneliteni mwa naha, kono kuzwa ku ona Mulimu aketa musizana yomunyinyani kuli apepe Mwana Hae; ili sishimbelo fela, mba yene ina ni ku . . . ki Mbututu ya naka pepiwa. Na ketile mutu ya cwalo kuli aeze zeo. Mulimu ubeleka ka kuitusisa batu ili kuli a liulule batu. Wakona ku minga, abeleke ka kuitusisa mina fa kuliulula batu, haiba mukona fela kufa lika kaufela zeo muli zona.

⁸² Haiba u musali yomunyinyani, uneele mikwa ya hao. U mutangana yomunyinyani, neela mikwa ya hao, neela munahano wa hao, neela mihupulo ya hao, neela pilu ya hao, neela moyo wa hao, neela zeo uli zona kaufela! Mi tuhela Kreste abeleke ku zona. Haki nto ye kanya ni yeo! Muna ni linuka za kusila, muna ni—ni mitano ya kupahama, muna ni—muna ni libaka za masulungundu, muna ni macacani, muna ni mishitu, muna ni libaka ze lififi, muna ni malundu a matelele, muna ni kupahama amatelele. Ki sikamañi se mu eza? Zazi leliñwi mu ka yema ni kuitemuna kwa mulaho, kubona ko mu zwelela, mi mu ka atulwa ka muzamao o mungile. Mubeye za mina—za mina kaufela, munahano wa mina ni mihupulo ya mina, fa Naleli ya kwa Mutulo yani (ili sibaka sa fahali sa Mulimu) mi musike mwa

shenya ku Sona. Muine hande ku Sona. Si ka mi mitisa hande ka swanelo sina mo ne Si tiselize Bababutali, ka swanelo kutaha ku Kreste.

⁸³ Ku lukile, ba Mu toza ka mirra. Lu fumana cwale, mwa Joani 12:1 ni 7, ona sani kona sa Na ezize. Nali yena Mutanga wa Mulimu ya petehile, mi ba Mu toza ka limpo za Hae za Bumulimu kaufela. Na tozizwe ka limpo za Mulimu kaufela kakuli Nali yena Mulimu. Nali yena Mulimu. Mwabon, *ba* Mu tiseza limpo.

⁸⁴ Cwale, luka ba . . . Ni lakaza kuli . . . Sicaba kwanu kamita, buñata bwa bona, mwa ziba, ha mi lumela sika. Cwale, ha kutaha za ku cincana lika, Hani koni kueza cwalo. Mwabona? Ki lifasi koliya kolikuwa. Hanikoni fela kueza cwalo. Mi Na itumela nto ifi yelikani . . . yelikani kaufela, ni lika zeo sicaba si ezanga kwa kuiponahalisa ni buitumelo bwa bona ni zeñwi cwalo.

⁸⁵ Cwale, zeo kona zene ba ezize baana babafumile ba. Baana ba ki Bababutali, neba lekile gauda, gauda yaluli. Neba tisize insense, yende ku yene ba kona kufumana. Ne ba tisize mirra, yende ku ze ne bakona kufumana.

⁸⁶ Lu lemuha cwana kuli, mo ku Muhalalehi Joani 12, lu fumana kuli musali yo . . . kambe luna ni nako ne luka ibala, kono ha Ni lati ku mi buluka nako yetelele hahulu, mwabona, kakuli Ni ziba kuli kamuso ki la Mubulo, mi mina . . . babañwi ba mina muna ni kubeleka. Mutalime, neba tisize . . . Yena—yena musali yon a tisize mirra, yene tozize ka kuba nto yetula luli, kuli ifeze munko wa lifu. Mi a pwaca pongisi ya alabaster ni ku isela kwa toho ya Jesu. Mi Judasi ali, “Kiñi, ze li lukela kufiwa kwa babotana.” (Ali, “Ha ki kuli nana ni likute kwa babotana, kono nali fela lisholi ka kukala, a shimba masheleñi.”) Mi ali, “Ze li lukela ku lekiswa, kufita kubeya mwa . . .”

⁸⁷ Mi Jesu ali, “Mu tuhele musali yo! Kakuli u ezize cwana . . .” Na Mu tozize, kuba ya kupumbekwa kwa Hae. Mwabona? Musali yo, ki tabo hahulu kuli libi za hae ne li swalezwi kufitela afeza mali a hae kaufela ana sweli, mi ayonga pongisi ya alabaster ni ku pwaca ni kusela oli mane ya tala ndu kaufela bakeñisa munko wa sende yende ya mirra yee, ya na Mu tozize ka yona kwa lifu la Hae. Cwale, mwabona, na ezize sebelezo kusina kuziba sa na sweli kueza, kono na itumela hahulu ku Mulimu.

⁸⁸ Mi haiba mwa itumela kwa Kilisimasi, ha ki kubulela kuli, “Ni—Ni fa Joneses mpo; mi ni yena wa nifa iliñwi, Nika bona se Ni nani kakusasana.” Kiñi ha mu sa kwaluli lipilu za mina ni kubona sesili mwahali mwani, kuli mufumane se munani *mwateni*. Ni kuamuhela . . . haiba lu ifumana kuba mukungulu, ka kuba ni lituto za litumelo fela ni—ni—ni lipilaelo za lifasi, kiñi hamusike mwa kupa Kreste kuli ataze sika mwateni busihu bo? Busihu bo, kuli mukone kuba ni tatululo ya niti ka Kilisimasi. Ki—ki Kreste mwahali ku mina; Mulimu, yapila mwa pilu ya mutu. Seo kona taluso ya niti ya Kilisimasi ili yona.

⁸⁹ Kono, mwa bona, kacenu luba hahulu ni zesi za niti. Ki diabulosi yaswe ku lu fitisa mwa lika zeo, (ki twani tukota to tu pentilwe twa maswiti, hamoho ni—hamoho ni muhala wa—hamoho ni muuna wa mahaha, ni kufufa mwa halimu inge fulai, ni kupotela lifasi kaufela ni lapa kaufela inza nani tundunduli nyana twa bipupe kwa mukokoto wa hae, ni kupotela mwanana kaufela) mi ki—ki buhata fela! Fela ki, hande luli, ki buhata. Mwabona? Cwale, mwabona? Kono kiñi? Diabulosi ki yena yana ezize cwalo kuli alyanganise minahano ya batu.

⁹⁰ Lifasi la litekisano likeni mwateni mi mane...Kiñi, ba banga ni mioeko hahulu mwa nako ya Kilisimasi kufitela mane bafitela kwahule litekiso za silimo, buñata bwateni. Ne ni ambola ku mulekisi zazi leliñwi, mi ali, “Uni fe lisunda zepeli ze, mi ha Ni sa bi ni baana mo,” ali, “Ne ni ka libelela Kilisimasi yetatama; Ne ni ka yo zuma, kaufela se Ni bata kuezza, kufitela Kilisimasi yetatama.” Ki hali, “Kono Ni ka bashimani baka kuzwelapili.” Ali, “Ba tuhele ona mo kuli pisinisi ya ka ikwaluhe mi kipeto izwelapili—izwelapili kulifa za mazoho aka ni lika zeñwi.” Ali, “Hakuna se ni ezanga kufitela—kufitela nako ya Kilisimasi ha itaha.” Mwa bona, se ibile nto ya litekisano yetuna ha ilukela kuba milapelo; ki milapelo.

⁹¹ Cwale, Mulimu, na tozize Jesu hahulu ka mutalelela wa Hae kasibili kufitela...Nali yena Mpo ya Milimu kwa lifasi. Kuli baana bababutali ba lemuha ka tokomelo, kuli basweli kufa mpo ya bona ku Yena; kubonisa kuli mwa lipilu zabona ne ba ziba Yo nali yena, ni sa Na ka eza ku bona. Kacwalo (ki kabakaleo) nto yapili yene baezize, ne wile fafasi ka mañwele, ka swanelo mi ka tokomelo, ni ku Mu kubamela. Mane basika li utwisisa kale, ba wa fafasi ni ku Mu kubalema mane batisa limpo za bona. Yani kona nzila ya niti ya kuba ni Kilisimasi ka yona: ku Mu kubamela, mi kutuha fo mutahise mpo ya mina; kutahisa mubili wa mina kuba sina sitabelo se si pila, se si kenile mi se si kateleha ku Mulimu.

⁹² Kono kana mwa ziba, kasumulaho baana baba butali bamano eza sani? Bondatahe ni mahe Krete...ndatahe wa mutose (eeni sha) hamoho cwalo ni mahe, kakuli Mulimu neli yena ndata He ni mahe zepeli cwalo. Kono lufumana kuli neba amuhezi limpo ze kuzwa kwa baana baba butali ba. Ki kabakaleo hane ba bizwa kuli baana baba butali. Nebali ba babutali. Nebali kaniti...ba butali. Kambe bati kacenu neba kaba ni butali cwalo, ka kotalifa fela! Si lwala muuna ya butali fa kutaha ku Krete. Mutu ya keluha ku Yena ki mutu yasina butali. Kono si lwala muuna ya butali, fa kutaha ku Krete.

⁹³ Cwale mulemuhe! Mi kasumulaho wa fani baana baba butali ba Mu paka ka sa Na kaba sona, mi lufumana mwa Mañolo kuli ona cwalo kona sa Nali sona: Bumulimu mwa sebelezo ya lifu. Kwa sikamañi? Bumulimu mwa sebelezo ku Mulimu ya lifu. Jesu nali Bumulimu mwa sebelezo ya lifu, ku to pilisa lifasi. Kono

ki sikamañi sene li ezize lifasi ku Sona? Neba Li hanile. Neba Li hanile. Kiñi? Babañwi ba kubona, siemba sesitunasa bona, neba ezize sani kakuli se: kakuli Na shwile! Neba ize, “Nasike kuba Bumulimu mi ashwe.” Yena kakuba Mutu (wa mubili) ne si Bumulimu, kono Bumulimu nebuli mwa mubili. Mubili wo una ni kushwa. Yena Kreste yaswana yali ku mina kona nto inosi yekona ku mi zusa. Bwani ki Bumulimu, Mulimu ku mina.

⁹⁴ Cwale, mulemuhe! Cwale, kwaswana ni cwale, ba hana Bumulimu bobu bonahalile. Kana mwa utwa nji? Bona kaniti bakona kubeya libizo la bona mwa buka ya keleke ni kubelala kuli, “Nika lika kupila ka tuto ya tumelo ye.” Baka ikungela buitamo ka se. Kono cwale ha litaha ku za kuamuhela Bumulimu, ni kubonisa ka kukutisa mpo ya mufuta o swana sina mo ne ba ezelize . . . kuli muitibahaza ka mpo ya mina, kuli mufa buino bwa mina ka kutala ku Yona, kwa Bumulimu bob u zibahalile. Konakuli mu itibahaza mina bañi ni Bumulimu, ka kufa ze muli zona kaufela, seo muli sona, kwa Bumulimu luli Kasibili.

⁹⁵ Cwale, Kreste mwa lizazi le, le lupila ku lona cwale, usali yena Bum- . . . inza iponahaza Iliyena: Bumulimu, mwahala sicaba. Usali yena Bumulimu, kakuli ki Yena Linzwi. Mi ha lu bona Linzwi ha li pila lona Kasibili, kona kuli luziba kuli mutu hakoni kueza cwalo. Ki Bumulimu, Linzwi li iponahaza ka mutu. Mi Jesu nabulezi yena Kasibili kuli, “Mwana hakuna sa kona kueza yena Kasibili. Hakuna se ni kona kueza, Na ni Mutu,” Jesu abulela. “Kono Ndate Ya pila ku Na, ki Yena ya Ni bonisa lika kaufela za yena Kasibili.” Amen! Ki fo he cwale! Ki sikamañi seo? Bumulimu bu bonahala ku mutu. Cwale, nto yeswana iteni ni kacenu; Bumulimu bwani, Linzwi le li sepisizwe la lizazi le, lakona kuiponhaza Ili lona ku mina. Amen! Konakuli mufe za mina kaufela ku Lona. Mubonise kuli mwa Li lumela. Mu Li fe Bumulimu: mu Li lumele, sebelezo, mi muitukise kushwa kwa neku la mina ni mihupulo ya mina. Kono kacenu Li hanilwe sina mo ne Li hanezwi ka nako yani.

⁹⁶ Mulemuhe, Mulimu na zamaisize Bababutali ni limpo za bona. Ka linako zekuma fa lilimo zepeli, ba latelela Naleli. Mwabona? Mi seo si bonisa kuli Ne isike kuba taba ya za butu yene ezahalile. Mwabona? Kakuli haiba linaleli, li sila mwa linzila za zona, ne lika sila, ne ku ka bonisa kuli to yeñwi ne ishutana. Kakuli . . . konji haiba Bababutali bani hane baka I bona, kale kale kafoo isika ezahala kale, mi ba ziba kuli nelina ni kusila ka mukwa wani; mwabona, ka linzila zene ba taha ku zona. Mi ba silela kwa Betelehema ka nako yani, ku kalela kwahalimu kwani, ka kuitahanela, ka kuziba kuli libupiwa za lihalimu ze ne li zamaya ka yona nzila yani.

⁹⁷ Cwale, Mulimu na zamaisize Bababutali kakuli nebana ni limpo zende. Mulimu na zamaisize baana baba butali ba bakeñisa kuli nebana ni mpo yende ya ku zibahaza Mwana

Hae. Ooooooh, mawi! Kikuli mwa utwa kana? Baana baba butali kacenu, ba nanauha ka Libizo la Mulena, ha ki ka nto yeñwi ya ku pangela fela, kono ki ka mpo yana sepisize Mulimu ya lizazi le, mi Mulimu uka mi zamaisa kwa ku zibahaza kuli Jesu Kreste ki ya swana maabani, kacenu, ni kuyakuile. Ki fo he cwale: baana baba butali!

⁹⁸ Mulimu na zamaisize limpo zani kakuli neli limpo za ku Mu paka ka zona. Baana baba butali, kacenu, baba kona kutalima kwahule ni za keleke fela ni lika zeñwi kaufela za lifasi, kwa Linzwi Lelipila la Mulimu! Mi Mulimu uka zibahaza Mwana Hae ka Linzwi la Hae, kakuli Seo kona Sali sona. “Na ni Ndate lunto iliñwi.” Mi, “Kwa simuluhu nekuna ni Linzwi, mi Linzwi nali ni Mulimu, mi Linzwi nali Mulimu. Mi Linzwi laezwa nama mi la to yaha ku luna.” Mi Linzwi leli swana kacenu, Yena ki ya swana maabani, kacenu ni kuyakuile. Mi mutu ya butali uka latelela ona Seo, kakuli Sani kona sa tokomela Mulimu kuli aitibahaze Iliyena ka Sona. Amen! Ki mpo! Ya luli, mpo ye pakilwe ya Mulimu, Mulimu uka i fitisa mwa lika kaufela ona cwalo, kuli aitibahaze iliyena Kasibili ka sona.

⁹⁹ Mi cwalo kona mwa na zibahalezi Kreste: ka gauda, mirra, ni insense, ka bona baana bani inze ba bonisa ka kusupeza mwa mufuta wa seo bupilo bwa Hae nebu kaba sona. Mwabona? Bumulimu bo bu bonahaliselizwe sebelezo, kushwa ili kuli A kone ku pilisa naha, kakuli Na na ni ku “pilisa sicaba sa Hae kwa libi za sona.” Isiñi kupila lifasi, kupilisa sicaba sa Hae kwa libi za sona. Bibebe ibulezi mo kuli, “Kakuli mwa—mwa Libizo la Hae ki mo ba ka sepa Bamacaba.” Mwabona? Bamacaba ba ka sepa mwa Libizo la Hae. Amen! Ka manzwi amañwi, Munyaliwa, ba ba bizelizwe kwande a Bamacaba, bakana ba sepa mwa Libizo la Jesu Kreste, “Mwa Libizo la Hae ki mo ba ka sepa Bamacaba.” Cwale, Mulimu na ba zamaisize, kakuli nebali ba . . . limpo zene basweli ku fa, ne li ze swanela ka nako yateni.

¹⁰⁰ Mulemuhe! Sina ha Ni bulezi, Mulimu una ni . . . Na—Na abile Linzwi la Hae kwa simuluhu, mwa Genese. Nakona kunga Genese ni ku mi bonisa lusika lufi kaufela mwa Bibebe, kuto fita ni mwa lusika lo. Litumelo kaufela za bulapeli ni lika zeñwi zeluna ni kacenu, Na kona ku mi bonisa handende kone li inzi mwa Genese. Mwabona?

¹⁰¹ Mulimu na file Linzwi la Hae hahulu *fa*, hahulu luli *fa*, hahulu luli *fa*, kwa lusika lufi kaufela. Mi cwale ki Ha luma mupolofita, ya tozizwe kuli alwale Linzwi lani mane liiponahaze, mi la tusa yomuñwi ya na taha. Mwabona, inge Mesia, kamita mwabezi ya yemela zeo. Mupolofita ufi kaufela mwa bupilo bwa hae, ka yena luli, Linzwi lene li filwe mwa lizazi lani, na tilo taleleza Linzwi leli ñozwi lani mi lene li bulezwi kale ka sana kaba sona ya na tatama. Mi mañi ni mañi wa bona na bulezi ka Yena (amen) kakuli Nali yena mutalelela, Nali yena Toho ya bapolofita, Nali yena Linzwi la Mulimu, Nali yena

bapolofita. Amen! Ki Yani fani. Mulemuhe! Ha ki bunde ni bo ka sa Nali sona: yomuñwi ni yomuñwi wa bapolofita bani.

¹⁰² Mi cwale ha Na tile, Nali yena mutalelela wa bapolofita kaufela, yana iponahalize; kakuli nebali Linzwi la Mulena, mi Na bulezi yena Kasibili kuli, “Haiba mubiza bani kuli balimu, ili bao Linzwi la Mulimu li tahile ku bona, cwale mukona cwani ku Ni nyana ha Ni bulela kuli ‘Ni Mwana Mulimu?’” Mwabona, kanti ni bona ba lusika lwani ne ba pakilwe kuba balimu, Mulimu naba bizize, yena Kasibili kuli, “balimu.” Nebali sikamañi? Nebali ponahazo ya Linzwi la Hae. Mi ni Yena nali fa, ali mutalelela wa Linzwi, Bumulumu mwa mubili, Bumulumu bobu bonahalezi mwa nama.

¹⁰³ Mutalimele! Kakuli limpo ze, zene ba tisize baana ba, nebasike ba tis a zani ku mupolofita. Ne li si ke za swanela. Mwabona? Limpo zani ne li si ke kuya ku Elia, Ne li si ke kuya ku Mushe, ne li tile ku Yena. Mi kakuba limpo zani kuli ne li fela za mwa lizazi lani kihona, mi neli lukela kuzibahaza Yo nali Yena ka zona limpo ze, mi ki ha kutaha Mulimu kasamulaho nyana mi a Mu sileleza. Mi aba buluka, lilimo zepeli kwani, kufitela bato fumana Liseli le li Petehile. Mo ne li swanela!

¹⁰⁴ Ki nto yeswana ni kacenu. Luna ni batu baba lukile, batu babande, batu sakata. Kono, mwa bona, ku sani, kukaba ni sesiñwi se si ka taha, yani ki Mulimu kamita ya eza cwalo, ku to swanisisa lizazi le. Le ki lona lizazi leo lika zebulezwi fo li lukela kuezahalela. Hakuna kuba babañata, kono ki basikai, basikai fela luli kona baba ka puliswa. Bibeke ibulezi ona cwalo. Ku kaba fela baba likani.

¹⁰⁵ Jesu yena Kasibili, “Sina mo ne kuinezi mwa mazazi a Nuwe, kone ku pilisizwe fela mioyo ye ketalizoho ka yemilalu.” Mioyo ye ketalizoho ka yemilalu, kuzwa mwa—mwa lusika lo lu swana sina lo. “Sina mo ne kuinezi mwa mazazi a Nuwe.” Neli sikamañi? Sicaba, sesituna se ne si lutile mikwa ya bupilo, babeleki babatuna, bayahi babatuna, lika zetuna zene ba nani. Neba nani zwelopili yeswana ni yona ye, lika zetuna zene ba nani. “Mi sina mo ne kuinezi mwa mazazi a Nuwe, kona mo ku ka bela ni ha taha Mwana Mutu.” Mwabona? Mi Mulimu nana ni Nuwe kuli a swanisisa Linzwi la Hae le li sepisizwe. Ne li swanela hande luli. Areka ne iswanela hande kwa Linzwi la Mulimu lana bulezi, kuli Na ka sinyu mutu. Kono na pilisize ban a konile kupilisa.

¹⁰⁶ Cwale, baana bababutali ba, ka kutisa limpo za bona, ba swanisisa. Limpo za bona ne li swanisisa Seo nesili sona, mi leo kona libaka Mulimu ha na silelelize limpo zani ka muzamao kaufela one ba ezize. Na Li silelelize kufitela ha bay o fitisa limpo zani, kakuli ne li swanela mwa nako yatani. Kana keleke yaka ya utwisisa seo? Ona zeo kona ze ezahala onafa cwale! Ni sepa kuli ha li mi fiteleli fa toho. Ni na ni ku li bulela ka nguli,

nitaluse, mwa bona. Kono kana mwa bona nji? Ki lika ze ezahala kona ze swanela mwa lizazi le, Laodesia. Ki nako ye swanela, ki kabakaleo Mulimu ha na Li sileleza. Mwabona, a Li tisa cwalo kuli aiponahaze ili yena Kasibili. Limpo, ni ha ne litokwa kuli kube lifu, ne li beile licwe la kusitatala mwa nzila ya bona. Ki nako ye swanela, yeo ki niti, ya swanela mwa lizazi lateni. Ki kabakaleo Mulimu ha Li silelelize, ka mukwa Wa ezize kaona. Ukana a Li sileleza, kufitela mulelo wa Hae u petahala.

¹⁰⁷ Oh, Ne ni balile likande, lene li tile mwa munahano waka ha ki kale hahulu, ka sesiñwi mwa mukwa o cwalo. Kukaba muleneñi o mutuna, ona mwa naha ye, ni. . . New York. Mi neli ka lizazi la kutalimana ni Kilisimasi. Mi ne kuna ni lubasi lwa sibonatana. Ndate wa kale yomunyinyani, nana ni TB, mi nali wa. . . ni musala hae nana ni TB. Nebali mwa kutokwa luli kwa bupilo. Mi yena—yena neli sina. . . Nali ya fokola cwalo mi nekusina mutu yana kona kumu fa musebezi. Na si ya itutile, mi ki—ki. . . sicaba ne sis a mu lati.

¹⁰⁸ Nali fela ya kendilwe, nabile fela muimbaeli. Fela. . . mwa ziba seo muicambeli ali sona, mu zamaye fela mi—mi munope sika kaufela, ni ku silekisa kuli mufumane se mukona kuipumanela; kapene nyana ko ba kona kufumana ku zona, ba lika kupila ku kona. Fela ki. . . sina mulekisi kamba nto sina mulekisi kamba nto yeñwi, mwa mukwakwa; ku yo leka tupini nyana ni lindonga ni za kuapala, ni kaufela ze bakona. Mi—mi ba ikungela, mi—mi mwendi ba lekisa ka kapene nyana, ni ku li lekisa ka kapene nyana ka muwayawaya; ni kufumana ma senti amane ka zona, mi mwendi ikona kuba ka zazi lililiñwi. Mu li, “Yani—yani ki tumo yetuma.” Kono munahane fela, kaufela zakona kulekiwa mwa lizazi lililiñwi. Mwendi ba fumana mashumi amabeli, masenti amashumi amalalu ka zazi, mi nana ni lubasi.

¹⁰⁹ Mi ni—ni musala hae yomunyinyani, kakuba ya fokola fokola, a—a shwa.

¹¹⁰ Mi nako ya Kilisimasi ne isutelela. Mi musizana yomunyinyani, na sa kulile. . . kwa butuku bwa kutokwa lico, kusina lico zende ni zeñwi cwalo; a yambula TB, hape. Mi nali mutu wa mwanana fela, mi mwendi wa lilimo ze ketalizoho ni zetalu, ze ketalizoho ni zene ka kupepwa, zelishumi. Mi na sina sipupe sa fa Kilisimasi. Mi sani kona sa na bata kuli ibe mpo ya hae, sipupe fela.

¹¹¹ Mi bo ndatahe, ne basa koni ku mufa tuso ya mulyani ni zeñwi cwalo, na. . . na—na bona kuli musizana naya kapili, mi alika mwa na konela kaufela kuli—kuli—kuli—kuli abe ni masheleñi amañata hamoho kuli amu lekele sipupe sa fa Kilisimasi; hana k aba fela ni masheleñi amañata n aka mu lekela sipupe! Mi kacwalo nako ya Kilisimasi ne isweli kusutelela, linako za kucinca kwa moya za kala, musizana

yomunyinyani akenelwa ki butuku bwa katabi bakeñisa silami, mi—mi ki ha shwa, lisunda nyana fela Kilisimasi isika fita kale. Mi bondatahe, eni sha, ba lobeha pilu, baya kwa likapa la bona mi ba yo nga masheleñi. Mi ba hupula musizana wa bona yomunyinyani, mi na bata si—si pupe inge basizana babanyinyani babañwi. Mwabona, ki me yomunyinyani yanza taha.

¹¹² Mwa lemuha musizana yomunyinyani, abata sipupe, kakuli ki...sani kona sibupeho sa hae, ki—ki me ya sa taha. Ukaba me ka zazi leliñwi haiba apila ni lika zeñwi kaufela. Mwa ziba, sibupeho sa hae. Leo kona libaka musizana yomunyinyani atabela sipupe, ubata ku si babalela; kakuli ku zeo kaufela, ki—ki yomunyinyani, ka mukwa omuñwi, ki—ki—ki me yomunyinyani.

¹¹³ Mi na bata sipupe nyana, mi ali kuba nasina nihaiba silisiñwi. Mi Bondatahe ne ba bulukile lika kaufela zene ba kona kuli—kuli ba mu lekele sipupe. Mi, kacwalo, a shwa.

¹¹⁴ Mi bondatahe ba bata kutelwa ki kulyangana nyana mwa toho. Musala bona na sa ngilwe, musizana wa hae yomunyinyani, mi ngana ya bona ya kena mwa buino bwa kuli ba—ba...niteñi hane—hane baya kwa kulobala busihu ni busihu ne ba ambola ni musizana wa bona yomunyinyani, ni ha na...sa pumbekilwe. Kono neba hupula kuli neba—neba bulelanga ni yena, ni ku mu bulelela kuli, “Cwale, Mulatiwa, hakuna kuliyeha, kipeto bo Ndataho baka ku lekela sipupe sa fa Kilisimasi. Mi—mi Bondataho ba ku sepisize sipupe, mi Ni—Ni—Ni ka ku lekela sona.”

¹¹⁵ Kwa mafelelezo, Kilisimasi ya fita. Mi, kakuli, mwa ziba mo kuinezi. Bafumi neba nani zabona—zabona kakuba mikiti yemituna; mi—mi likandela zakala kutuka, mi sicaba tuna luli mwa likeleke, ni ka za kubulela ka za Jesu ni—ni zeñwi cwalo (likeleke nelili cwalo), ni kufita mwa lika za mukiti wa kamita, ni kuopela, ni lipina ni lika kaufela. Kono ne basa zibi sene si ezahala kwa mulaho mwa lipina, kwa mulaho wa ze kaufela.

¹¹⁶ Mutangana nyana yo kwa mulaho kwani, akala kuba ya lyangani. Na bata kuli musizana yomunyinyani yani abe ni sipupe sani maswe luli, kakuli na mu kupile sona sipupe se fa nako yetelele luli. Kacwalo ayo leka sipupe nyana sa lisila cwana, kanto—kanto kakanyinyani fela, mwendi neka lekiwa fela ka mali alikana masenti mashimi amalalu; neli kanto kakanyinyani kamasila cwalo ka na lekile, mwa nzila fela. Mi neli busihu bo bu bata luli bakeñisa silami, si—si—si silami ni liñungwa ne li sweli kufuka, mbundu neisweli kunela katata luli kwani; mi New York, ona fa likamba lani.

¹¹⁷ Mi mikwakwa ne itezi batu; ni sicaba mwa limota zetuna, zabona za bumbombo. Ni mikiti ya kubina, ni kunwa, kutabela kwa kupepwa kwa Krete ni lika zelubulela ka zona busihu bo,

kulika kunahana kuli yeo kona nzila yelukile ya kueza ka yona; neba sweli fela kuimbotisa macwala ili kulibala kwa matata a bona ni lika zeñwi, mi yani—yani kona nzila ya kueza ka yona. Kaufela bona. . .

¹¹⁸ Ne ni yemi mwa sintolo, ka zazi leliñwi, mi musali na sweli kubulela ka za. . . basizana bababeli neba kopani mi ne ba bata kuziba sene ba ka lekela bon data bona. Mi alimuñwi wa bona ali, “Kihande, na. . .” A mu lekela ka kwakwati ka kwai yeñwi. Mi yomuñwi ali na mu lekezi bucwala bwa buketalizoho mi ni—mi ni—mi ni kakocela ka makadi. Cwale haiba nji seo ha si fi mpo ya kupuzo ka za kupepwa kwa Mulena Jesu Kreste! Mi yani kona nzila mo li ezahalelanga, mwa bona, ki sikocela sesituna fela sa likabiso. Halina Kilisimasi mwahala zona ni hanyinyani.

¹¹⁹ Mi kona mo lufumanela cwale, muuna yomunyinyani yo, na sweli kuzamaya zamaya fela. Mi na ziba mwa pilu ya hae kuli musizana wa hae yomunyinyani na sa shwile, kono aya ku yo leka sipupe ni hakulicwalo. Mi a hupula kuli, “Ni ka kalisa fela kuzamaya, Ni ka mufumana kokuñwi. Ukaba mwa mukwakwa mo mi Ni ka mufumana.” Mi ki ha kala kuzamaya.

¹²⁰ Yena—yena na sa lati kuiponahalisa bukuba, nasiyo kwa mulaho kwani mwa matakanyani fa mumbeta wa hae o munyinyani, wa likubo ze pazauhile, mumbeta wa masila; kono, na sa pumbekilwe. Kacwalo, na—na zibile. Na nahana kuli n aka mufumana mwa mukwakwa. Abulela kuli, “Ni ka zwelapili fela kuzamaya.” Mi na sweli kuzamaya kwa matuko a mukwakwa, babañwi hane ba sweli kuopela lipina za bona ni kuzwelapili ona cwalo. Ni kuzamaya kwa matuko a mukwakwa, inza lwezi sipupe, se sinyinyani sa masila; inza si lwezi mwa cansi ya hae, bukaufi ni pilu ya hae, inza sweli fela kunahana musizana wa hae yomunyinyani.

¹²¹ Mi kwa nalulelule mupokola cwana ato mubona, mi mupokola yani nana ni lino nyana za na lwezi, mi ki ha mata kwa matuko a mukwakwa cwalo ni ku yo swala muuna muhulu yo ni ku mu fetaula. Mi ali, “Ki sikamañi so sweli kueza kwanu?”

¹²² Mi ali, “Ni iseza sipupe nyana se, shangwe, ku musizana waka yomunyinyani.”

¹²³ Mi ali, “Kihande, upila kai?” Mi a mu bulelela kwa na pila. Mi ali, “Kihande, usweli kuya kwahule ni sibaka seo, u kozwi. Zamaya ufite nzila isili.”

¹²⁴ Ali, “Shangwe, Ha—Ha ni si ka kolwa. Ne ni sepisize musizana waka yomunyinyani kuli Ne—Ne ni ka mu lekela mpo ya Kilisimasi.” Mi ali, “Mpo ye swanela ku musizana yomunyinyani ki sipupe nyana.”

¹²⁵ Mi ki hali, “Ni bonise sona.” Kacwalo a mu bonisa kapupe kakanyinyani, ka ka tezi masila, kaka lukilwe ka masila. Mi na ka swalezi fa. . .kaufi ni sifuba sa hae, inza sweli sipupe hana nza. . .Kacwalo mupokola yani, inza kozwi nyana cwalo,

yena kasibili, amubonisa fela sona ni kuikela. Muuna muhulu yani aikela mwa nzila kwa matuko cwalo, mi mbundu neisweli kuwa kapili.

¹²⁶ Mi, kihande, mikiti ya mwahala busihu yakala kutibuluha. Kakusasana habusa, mbundu ne se ifelile, lizazi ne se li pazuzi. Mi kacwalo balukela ku...sicaba kaufela sa longoka mwa mikiti ya sona ya kutabela ko kufitelezi nese...bikoto bya ze kangezi mwa litho za bona, bakeñisa hahulu kunwa ni kutabela kwa—kwa kupepwa kwa Kreste. Mi—mi buñata bwa bona ne se ba silezi manzwi bakeñisa kuhuwaka, kuzwa kwa kutundana kone kubile teñi kwani.

¹²⁷ Kono mwa mukwakwa mwani, bay o fumana muuna muhulu. Mi ha bay o mutuhela, na sweli sipupe nyana sani bukafu ni pilu ya hae. Ni sepa kuli na isize mpo ya hae ku yena. Uilo mu fumana Naha mi isiñi fa. Ki—ki—ki a lwala mpo ya hae. Neli mpo ye swanela. (Mulimu, wa makeke.) Kono ne li mu tiselize lifu. Hakuna mukwa omuñwi mwa lifasi mwa na ka konela ku mufela mpo yani, na sa pumbekilwe. Kono nzila ya na ka eza fela sani, neli fela kuya ona cwalo. Sipupe nyana sani ne si sa talus into ni ye kana, Na sepa, sipupe sene sina ni sifateho se si teni masila, kono ne...ki sikamañi sa na ezize ka sona? Ne si talelelize sepiso ya na file. Hakuna taba ka se ne ba hupula batu ka sona, mazoho a hae a manyinyani atezi masila, sipupe sa masila, kono ne—ne si talelelize sepiso ku musizana wa hae yomunyinyani.

¹²⁸ Fokuñwi ba talimelanga fa Evangeli ka kuopela, kubapala, ne basa si ka Li tabela Mulimu mwa na Li tiselize, kono ne si talelelize sepiso yakuli Na kafa Mwana Hae. Mi kana mwa ziba nji? Ba Mu siya mi ashwa, ni yena, inge fela muyambaeli mwa mukwakwa. Yeo luli ki niti, ba Mu siile kuli ashwe inge muyambaeli wa muzamai fa mukwakwa. Mi kacenu ba Mu talimela sina muyambaeli wa muzamai fa mukwakwa, kono Na talelelize sa Na lukela kuezwa. Nali yena Mpo ya na sepisize Mulimu kwa lifasi.

¹²⁹ Busihu bo, aluboneni ni Munge kuba Mupulusi kwa pilu *yaka*. Mutuhele ni zamaye kutalimana ni lifu la ka, kamba kaufela sesili sona, sina cwalo. Ne sepisize bupilo bwaka ku Yena. Ni bata ku Mu iseza yona. Hakuna taba kamba Ni ka fita ku ze cwani, haiba Ni na ni kufita mwa lifu, haiba Ni na ni ku kunupiwa; hakuna taba ka se si ezahala, Nina ni kusehiwa, kubizwa ya “lyangani,” lika kaufela, kulelekiwa mwa likeleke kaufela za Sikreste ni zeñwi, Ni...ki mpo ya Mulimu ye Ni nani mwa pilu yaka. Na ifile, Ni bata ku i isa ku Yena.

Halu inamiseni litho zaluna fa nako nyana.

¹³⁰ Limpo zeswana se Ni bulela ka zona, neli mpo yeswanela kakuli musizana yomunyinyani...nali musizana yomunyinyani, kuba, me yomunyinyani (mo akona kubela), mpo yeswanela neli

sipupe se sinyinyani. Mpo yeswanela yeo Mulimu, Mubupi, yana kona kufa kwa pupo ya Hae, neikaba Mupulusi yana ka ipilisa mwa buino bwa yona. Ha ni zibi, busihu bo, halunze lu atumela Kilisimasi cwale, mi Ni sepa kuli ikaba liñusa la mafelelezo le lu ka utwa mwahala cwale ni Kilisimasi, konji haluka utwa liñusa la yomuñwi fa silimba.

¹³¹ Ha ni zibi, busihu bo, haiba lu amuhezi Mpo ya na lu sepisize Mulimu: Bupilo Bobusafeli, ka kulumela ku Kreste ni ku amuhela Moya o Kenile. Haiba ha mu si kaeza kale, muitakaleza kuamuhela mpo ya luli ya Mulimu, ili mpo ya Kilisimasi, kana mu ka nanula mazoho a mina? Muli, “Muzwale Branham, Ha—Ha ni zibi, Ni—Ni Li lumezi linako zeñwi. Mi Ni tokomezi lika ze Ni lukela kueza. Mi Ni inzi mwa mukwa wateni, ka bunyinyani nyana, ka kukakanya.” Musike—musike mwa kakanya ni hanyinyani, balikani.

¹³² Mwabona, se—se kufelile nako ya ku kakanya cwale. Halubeni baba ikolwisisa hande ka sona. Luli, “Ni lapelele kwateni, Muzwale Branham, mi Ni bata kuli. . . Mpo ya Mulimu kwa lifasi, ki Jesu Kreste. Ni—Ni—Ni bata kuli ye ibe Kilisimasi ya niti. Ni amuhela Moya o Kenile mwa pilu yaka. Yakona ku ni tusa mwahala matata a bupilo kaufela, mi zazi leliñwi Ni ka taha fapila Kubateni kwa Hae ni mpo ye ya Bupilo Bobusafeli. Uka ni amuhela ka mayemo ona ao, yeo kona nzila inosi fela Yakona kueza ka yona.”

¹³³ Kamba, kana muna ni mpo yeswanela hande busihu bo? Mubonelo o iketile hande? “Ndate, Ni ka Ku latelela kaufela ko Ukaya. Kaufela So ka bulela kuli ‘Eza,’ Ni ka si eza. Kaufela Linzwi la Hao ze li ni bulelela kuli, ‘Eza,’ Ni ka si eza. Eeni, Sha, Hanina taba kamba mutu ufi kaufela ubulela sikamañi, Ni ka si eza kakuli Ni bata Mpo ya Hao; ki Bupilo, mi Kreste ki yena Linzwi.”

¹³⁴ Haiba hamukoni kulumela Linzwi kaufela, ni kubulela kuli, “Kihande, Ha ni zibi, Na—Na lumela cwalo. . . *se*, Na lumela *sani*, kono Ha nikoni fela kuya ka *se*, Hanikoni kuya ka *sani*.” Muswana sina baba mashumi asupile bene baikezi bani. Habakoni kuamuhela Linzwi kaufela ni kuamuhela Kreste mwa mutalelela wa Bumulimu bwa Hae ni sebelezo ya Hae; ni kuitukiseza kushwa sina mwa Na mi shwezi.

¹³⁵ Konakuli mu nanule fela mazoho a mina, ni litho za mina zeinami, ni kubulela kuli, “Uni lapelele kwateni”? Mulimu ami fuyole. Mi Mulimu ami fuyole. Mulimu ami fuyole. Mulimu aku fuyole, musizana yomunyinyani. Oh, Mulimu aku fuyole. Eeni, Na bona lizoho la hao. Mulena aku fuyole, luli. Yona Mpo nyana ye, ya Kreste, yana lumezi Mulimu mwa lifasi; ni ku Si paka ka. . . ka Bababutali mo ne ba Si pakezi, bupilo bwa Hae Tota ne bu Si pakile, lifu la Hae ne li Si pakile, zuho ya Hae ne i Si pakile, ku amuhela kwa mina kwa Si amuhela, mi U ipaka

iliyena Kasibili ni mina kuli mu ba Hae mi Yena ki wa mina. Haiba ha mu yo cwalo luli . . . mubone, mubelekelo wa Moya wa Mulimu onzo beleka ku mina, mwa nako ya Kilisimasi ye, ha utahe ku mina cwale.

¹³⁶ Ndate yakwa Lihalimu, halunze lu tatantalika inge muyambaeli wa makupakupa mwa mukwakwa, hakuna ni yomukana yana nani tuso ka yena. Lifasi ne likeni mwa mikiti ya bukuba bwa lona, ki mo bainezi ni busihu bo, Mulena. Kono linako zeñwi luikutwa sina muyambaeli wa makupakupa yani, kono lu amuhezi Mpo. Kacwalo lwa lapela, Ndate, kuli U lueze kuba mpo, ya liseli, kwa lifasi le li shwa le. Babañata mo ba nanuzi mazoho a bona kuli babata Mpo ya Mulimu yona ya Nani, yena Kasibili, ka kufa Mwana Hae wa libanda, yana tile mwa lifasi, ni kuba Mutu. Na ikusufalize hahulu kuli mane ba tokwa nihaiba . . . Na tile mwatasi hahulu ni kuikokobeza hahulu kufitela A—A tokwa kuba nihaiba mumbeta wa kupepelwa ku ona. Neli—neli—neli komu yene . . . kamba mbongolo yene file sicelo sa yona, ya itoboha sona, (folofolo) batu ne se bakeni mwa buino busili ka mo neba inezi. A—A tuluka ni—ni kukena mwa sicelo, sicelo sa kale sa sikungu fa kaufi ni lilundu kwani mwa Betelehema, koo mwana mushimani yana pepilwe ku lihule kwana kalisize munzi wani lilimo zeñata kwa mulaho.

¹³⁷ Mi cwale, Mulena, lu fumana cwana kuli busihu bobuñwi, busihu bob u bata, kwa bulelwa ku Yena kuli, “Muluti, lu bata kuya kwa ndu ni Wena busihu bo.”

¹³⁸ Mi Ki hali, “Kihande, cwale, linyunywani lina ni liyaletu, mi—mi mawawa ana ni misima, kono Na—Na—Na kina yatokwa nihaiba . . . sibaka sa ku sameza toho ya Ka.” Mi yani kona nzila yene ba Mu tuhelezi kuli ashwe, sina muyambaeli wa makupakupa mwa mukwakwa.

¹³⁹ Ndate yakwa Lihalimu, kana mu—mu Mukreste, kana sicaba kacenu sakona kubona yona—yona Yona Mpo tuna yani nji? Mi babañata mo, busihu bwa kacenu, baba fitelela twelufu cwalo, Na sepa, ba nanuzi mazoho a bona kuli babata kuamuhela Moya o Kenile. Mi kube sina baana bababutali, mwendi mane hakuna nihaiba ba basiyezi mwa kopano babaka bona se si sweli kuezahala. Mi Naleli ye, ona Liseli la kunutu lene lifita mwa lipatisiso kaufela, ka lilimo zepeli, koo batu neba buluka nako ka kutona kokune ka linako zani, neba buluka nako ka linaleli. Hakuna mutu, hakuna wa litaba za kale yana ñozi ka zona. Hakuna nihaiba ya na ziba sesiñwi ka Sona, kono niteñi ne Si liteni fani. Mi baana bababutali ba, ni mpo ya bona ye swanela, ne izamaisizwe kukena ku Yona. Mi lona Liseli leliswana lani halitahe mwa pilu yaka, mwahali mo busihu bo, babaliteni mo. Hakulata hakukoni kuba maikuto, hakulata hakukoni kuba *se, sani*, mane mwendi hakukoni kuba ni yomukana ya kona ku li ziba, kuswana fela sina baana bababutali. Kono kube sesiñwi sesika ina hande ka tokomelo mwahala baana ba, basali, lipilu

za bashimani ni basizana busihu bo, kuli Mpo ya Mulimu itoze bupilo bwa bona. Kuli kuzwa mwa busihu bo kuya kwapili, ba ka cinciwa. Habasana kuba sina mo ne ba belanga sapili. Bakaba si—si sbupiwa sesi cincizwe kuzwa kacenu kuya kwapili. Mi hababe, sina baana ba babutali, ba fetuhele kusili mi basike baya kwa buino bwa lifasi (mi Heroda, muleneñi wa mulena), “Kono ka kulemuswa ki Mulimu, ba fetuhela kusili.” Peta cwalo, Mulena.

¹⁴⁰ Busihu bo Ni lapela muuna ya butali kaufela, mushimani, kamba musizana, mwahali mo busihu bo. . . Muuna kamba musali ya butali asikuluhele kwahule ni lika za lifasi busihu bo, basike ba kutela ku zona kasumulaho wa lizazi la kacenu. Kasumulaho wa—wa kufita kwa musihali ni busihu bo, basike bakutela kwa lika za lifasi, kono hababe baba butali. Mi ona Muhuwo wa kunutu oba konisize kunanula mazoho a bona ni kubulela kuli, “Eeni, Ni bata Mpo ya Mulimu. . .” Mi yona taba yeswana ye ba konisize kunanula mazoho a bona, iba zibahalise busihu bo ka lifu la Hae, kupumbekwa, ni kuzuha, ka kubafa Moya o Kenile. Mi haba sikuluhele kwatuko.

¹⁴¹ Mi cwale basali ba mwahali mo busihu bo, Mulena, ba babile ni nako yetata ka kuitwaeza za lifasi; ba batuhela milili ya bona kuhula, ni kutina sina likalibe, ni kutapa kwateni mipende kwa lifateho za bona ni lika zeñwi, za kuipangela, sani sibonisa. . . ki—ki mufuta wa ku ba zibahalisa kuli habana buiketo hande, bana. . . kuna—kuna ni se si fosahalile. Mi cwale busihu bo, lona Liseli nyana la kunutu le, Mulena, lene li ba tusize kunanula mazoho a bona, cwale ha ba bulele kuli, “Mulena, Na sikuluhela kwahule ni lika za lifasi, busihu bo.”

¹⁴² Baana ba babasika ba ni—ni—ni sika sa luli, babasike kubulela kwa basali ba bona ni kuba keluseza kusili; ni lika ze ba eza. Mi cwale kaufela luna hamoho, Mulena, lu sikuluhele fela kwatuko busihu bo, lunze lu lemuswa ki Mulimu ka liñusa nyana lelinca la—la Liseli la Mulimu le li monyehela mwa lipilu zaluna. Mi halu talimeleñi kusili busihu bo mi—mi lupilele Wena mazazi aluna asiyezi luye—luye kwa mahae ni Wena ka nzila isili kufita yelubile kufita ka yona. Lumeleza cwalo, Mulena. Lueze Bakreste babande, Mukreste kaufela mwahali mo busihu bo, Ndate, baba Ku amuhezi mi ba lumela ku Wena. Mi balikile kupila bupilo bwa Sikreste, kono busihu bo, haba sikuluhele kusili, ha ba amuhele Mpo yani.

¹⁴³ O Mulimu, ki—ki ka—ki nzila ye kendilwe. Basali ba ka bizwa kuli “baba sialezi,” baka bizwa lika kaufela. Mi baana baka bizwa “bafitelezi ba tumelo.” Kono luna—luna luitukisize, Mulena.

¹⁴⁴ Moya o Kenile, lu sikulule, ka yona nako ye cwale. Ni sikululele kusili, Mulena. Ha—Ha—Ha ni lati nahaiba kuya ka nzila isili yeka ni kelusa kuba kwahule ni Wena. Mulena, Ni—Ni

bata kuya fela ka nzila Yo tabela kuli niye ka yona. Ni bata mpo ya pilu yaka kuli ibe ye petehile luli kuli ikone kupaka Wena, Mulena, fa lifasi, kuli ha Usika shwa, Wa pila.

¹⁴⁵ Ki wena Mulimu wa babapila, isiñi Mulimu wa bafu. Bafu ba shwile mi ba kwahalezwi ka linzinzi, ni linzinzi zelata mwa musutelo kamba masila, inze libupa mabuku ni linzinzi za mwa masila; sina mutu ya inwela ka mukwa wa makalelo, ya i zubela likwai za hae za makalelo, ya ipulelela buhata bwa hae bwa makalelo, uya kusiya musala hae lwapili; kamba musali yaya kusiya muuna hae, kamba kueza lika ze fosahalile; mane inge linzinzi zetezi mwateni, mi ki. . .ze—ze ekezeha ka. . .kukena mwa linzinzi ni masila, kakuli li inzi fa moyo o shwile mwahali. Mioya yemaswe ikeni ku zona. Mi moya ulimuñwi o maswe wa mutiseza kueza nto yeñwi ye maswe; mi omuñwi hape wa taha, ku to mu ezisa kueza nto isili kakuli na ezize sa *kuli*.

¹⁴⁶ Mulimu, ha ba fetuhe mi batahe kwa Bupilo. Ha ba zuhe, mi Mangeloi a Mulimu ataha kushetumuka ni limpo za Bupilo Bobusafeli, Mulena, mi ba zamaye kuzwa kwa kanya kuya kwa kanya. Lumeleza cwalo, Ndate. Lu sikuluhele kusili, busihu bo, kuzwa kwa lika za lifasi ni lipilaelo za lifasi, baba lemusizwe ki Mulimu kuli nako ifa kaufi, Jesu wa taha kukutela mwa lifasi. Mi cwale Moya o Kenile o Mutuna u lufe, busihu bo, ona Bupilo Bobusafeli bwani bona bo lu bata. Lumeleza seo, Mulena. Luna—Luna feka lu lapela kuli U lumeleze limbuyoti ze ku luna halunze lu li kupa ka Libizo la Jesu Kreste.

Ni litoho zaluna zeinami cwalo:

¹⁴⁷ Baana ba ba butali kale kafoo neba fitile kwani. . .ba latelela Liseli lani ba yo. . .fumana Liseli le li Petehile. Mi cwale Liseli nyana, busihu bo, leli mi konisize kunanula lizoho la mina mwahalimu, kamba hakulata mane hamusika be. . .Li mi monyehile, kono mane hamu si ka nanula nihaiba lizoho la mina, mi lona Liseli leo li mi zamaise hande ku yo fita kwa Liseli le li Petehile lani.

Ha lu yemeñi fela, kwa sebelezo nyana ya kuipa.

¹⁴⁸ Ha lu ezeni pilu ya luna yenyinyani fa, busihu bo, kuba sibaka sa ka pila ku sona Kreste. Muhupule, busihu bo, likande laka lelinyinyani leli ipitezi la muyambaeli wa makupakupa. Busihu bo, luli, Jesu Kreste ki yena muyambaeli wa makupakupa yani fa mukwakwa. Yeo ki niti, Yena—Yena nali muyambaeli wa makupakupa mwa mukwakwa. Oh, eehe, lubulele kuli, “Lwa Mu sebeleza.” Luli. Likabiso kaufela ni ze ebelelisa, yani ha ki Yena. Yani ha ki Yena. Nana ni kushwa kuli ami tiseze Mpo ye, isiñi sipupe, kono Bupilo. Nana ni kushwa ili kuli apete cwalo, kuli afite ku mina, nzila fela ya Na kona kufita ku mina. Na si ke kutaha fa mi abe Mutu ya petehile, sina mwa Na bezi, ni kufita ku mina. Na si ke kueza ka nzila yeo. Nana ni kushwa fa kukona kupeta cwalo, fa kutisa—kutisa Mpo ya Mulimu ku mina.

Sina mu—mu muyambaeli wa makupakupa mwa na shwezi kuli aise sipupe ku musizana wa hae, Kreste nana ni kushwa kuli atise Mulimu ku mina. Lu bata ku Li amuhela busihu bo. Mi Na lumela, ni litho za luna zeinami, . . . mi ha lu nanuleñi mazoho a luna ku Mulimu ni kufa bupilo bwa luna sinca, ona fa busihu bo.

¹⁴⁹ O Mulimu ya Musa, lu—lu bata Mpo ya Hao. Ni—Ni teni fa, sina nako ya Kilisimasi ye, Mulena, hanze Ni lemuhani kutalimela fa lifasi ni kubona likabiso ni ze ebebelisa za lizazi le, Na—Na kona kubona za . . . kwande kwabuse, sina Bibebe haibulezi, mwa lusika lwa Laodesia lo, U kwande a keleke ya Hao. U hanilwe, ubile linyambangeti kwa keleke ya Henu Tota ni kwa sicaba sa Habo Luli. Wena u—Wena u—Wena u hanilwe. Kuba—kuba linyambangeti kuba sika se si kendilwe, mi U hanilwe mwahala keleke ya Hao Tota. U hanilwe mwahala sicaba sa Hao. Ha ba Ku lati, Mulena, mi ba Ku siile, mane inge muyambaeli wa makupakupa, ya fa mukwakwa. Mulimu, Wa—Wa—Wa zwelapili mane, wa shwa ni hakulicwalo, kuli Ukone kutisa Mpo ya Mulimu ku luna. Mi lwa I amuhela ka buikokobezo, Mulena. Ni lapela kuli U taze lipilu zaluna ni bupilo. Mi lu sikuluhele kwa tuko, kuzwa busihu bo kuya kwapili, mi lube ba Hao kakutala halunze luipa ili luna ku Wena.

¹⁵⁰ Ni amuhele, Mulena. Mafosisa ki amañata a bupilo ao Ni ezize. Mi, Mulimu yomunde, sina—sina Hani—sina Hani yemi fa sibaka sesi kateleha ni kukena fo ku shaelwa Evangeli ni fo lu Ku boni ona kulo fa, mane ni haiba mwa—mwa Liseli lelituna le li monyehezi ku bona. Mi luitumezi hahulu ka se, Mulena. Na—Na ipa ilina kwa Kilisimasi ye, haki mwa . . . mi sina lifasi mo likona kuezeza kamba ku—kamba ku apula makepe amanca. Mulena, Ni—Ni bata ku amuhela Mwana Hao. Ni—Ni bata kuamuhela Mpo ya Hao, Mulena.

¹⁵¹ Ni bata kuamuhela Mpo ya Bupilo Bobusafeli ka Kreste. Mi Na, luli, Mulena, amuhela Mpo ya Kreste ku na, kulika kuwina babañwi ku Wena. Mulimu, luna mañi ni mañi . . .

¹⁵² Eza ndambakati yomunyinyani mwa lapa kuba ya munati mi ya ikokobeza, kuli akone kutisa babañwi ku Wena. Mpo Yo ka mufa, yani ya buino bwa bukalibe sakata, abe kalibe mwa buniti kufitela ba yahile ni bona ha ba ka mubona mane—mane ba bate kuba inge yena.

¹⁵³ Eza muuna ni yena, kamba una ni sintolo, yo akona kuba yena kaufela, Mulena; mueze kuba wa bupilo bo bu ikokobeza, sina Kreste, kuli babañwi bakone kubona. Haluzibi ko ku yemi sicaba sani kwande kwani, Ndate, kono halulati kuzwa mwa nzila yende, ya kale ye; kono lu ka yendamena kwa mulaho, lu yendamene kwapata, mane lufite kai ni kai kuli lu fumane moyo. Beya zeo bukaufi ni luna, Mulena, lwa lapela. Mi ulufe bu—bu—bu bupilo bo bu ka eza sicaba kutabela kuba sina cwalo,

hanze luipa ili luna ku Wena, busihu bo. Ka Libizo la Jesu Kreste. Amen.

Cwale, haiba mukona kuinamisa lito ho zamina hape, Ni bata ku lakaleza mañi ni mañi wa mina Kilisimasi ya tabo:

¹⁵⁴ Mi cwale Mpo yetuna ya Kilisimasi, yona Yapili mi ili yona fela mi kiyona ya makalelo Yapili ku zeliteni, Jesu Kreste, ibe bunca mwa lipilu za mina busihu boo. Mi cwale Moya o Kenile utahe ku mina ni kumifa limpo ze sebeza ni lika zezwa ku Mulimu, kuli mina . . . mpo ya kuli mupile bupilo bo butata. Seo kona se Ni bata. Ni itakaleza kuba ni Bupilo bwa Kreste kun a kupila hamunati mi ka kukoma kufita hane Ni kaba ni limpo kaufela za kufolisa, limpo za kupolofita, ni limpo zeñwi ze kaufela; munife fela Jesu. Mutuhele fela ni pile Bupilo, Bupilo fela kona bo Ni bata kupila. Nibata kupila ili kuli babañwi ba zibe. Yeo kona—yeo kona takazo yaka fa Kilisimasi, mi Ni lapela kuli kona takazo ya mina. Mi Ni lapela kuli Mulimu alufe takazo ya Hae.

¹⁵⁵ Cwale, halubeñi ni linzwi leli zwelela ku bo mulisana, ni ku lu lukulula. Mi Mulimu ami fuyole. Luka mibona la Bulalu busihu. Kufitela nako yeo, Mulimu ami fuyole. 

LIMPO ZA MULIMU KAMITA LIFUMANANGA LIBAKA ZA ZONA LOZ63-1222
(God's Gifts Always Find Their Places)

Liñusa le ka Muzwale William Marrion Branham ne li kotalizwe lwa pili mwa Sikuwa la Sunda manzibwana, Nulule 22, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org